

續脩鼎明縣志

顧視高署

卷五之二

昆明縣志卷之五

物產志二

植物

顯花植物部

被子門

雙子葉綱

離瓣花類毛茛科凡十一種

牡丹 落葉小灌木爲吾國之特產莖高二尺許葉爲複葉分裂甚深春夏間開花徑三四寸有重瓣單瓣之別色有紅白紫等數種在花中爲最豔美古無牡丹統稱芍藥自唐以來始分爲二以其色其花似芍藥而幹爲木又謂之木芍藥且有牡丹花王芍藥花相

之說屬毛茛科〔按〕本草經中品入藥其芽肥嫩可
醬食種牡丹者必剔其芽則精脈聚於老幹故有芍
藥打頭牡丹修腳之諺其花繁華絢爛動人心目供
觀賞曲洧舊聞歐公作花品列爲二十四種張峋撰
譜三卷凡一百一十九品皆敘其顏色形狀本草經
味辛寒主寒熱中風等症縣屬庭園中栽植者多

芍藥 多年生草高一二尺葉爲複葉小葉往往爲極深
之三裂春末夏初開花大而美豔色有紅白紫數種
根亦有赤白二色屬毛茛科〔按〕芍藥奇馥都恃繁
英氣不勝色時過卽弛與霜露飄零而臭味彌烈者
蓋未可伯仲也供觀賞本草經味苦主邪氣腹痛除
血痺破堅積等症縣屬庭園中栽植者多

毛茛

多年生草高二三尺生於低濕之地莖葉皆有細毛葉爲單葉掌狀分裂春暮開花色黃五瓣甚光豔實爲多數小乾果有毒植物也屬毛茛科〔按〕此種植物在溫帶及寒帶下多含無色辛烈之液汁有毒其葉可爲發泡劑縣屬隨處皆有之

白頭翁

多年生草莖高尺許爲羽狀複葉花之外面有白毛蔽之內面紫色花後雌蕊尖端有毛下垂如老人白髮故名屬毛茛科〔按〕有毒可入藥縣屬睡佛山有之

黃連

多年生草野生葉爲複葉微類芹葉早春出花莖長尺許開小白花結實子色黃根色亦黃屬毛茛科〔按〕本草經味苦寒主熱氣下痢久服令人不忘志

林姚歡年八十餘以軍功遷雄略指揮使在六十歲時患癬疥周匝頂踵或敷服黃連遂愈故又治癬疥縣屬城外原野多有之

回回蒜 越年生草生於水邊及道旁濕地葉葉皆有毛莖高一二尺葉三裂甚深春開黃花稍小於毛茛至秋始謝花瓣內根部有小鱗片實爲多數小乾果屬毛茛科〔按〕全部有毒只供考驗縣屬各鄉近淺塘處有之

石龍芮 越年生草莖高尺許粗而中空葉互生掌狀分裂有光色黃五瓣實大如豆狀類初生桑椹青綠色子甚細屬毛茛科〔按〕性有毒入藥爾雅所謂齧苦堇也縣屬各鄉有之

女萎

多年生蔓草野生葉爲複葉小葉有缺刻夏日開花莖端小而色白屬毛茛科〔按〕性甘平可入藥陶宏景曰本草經有女萎無萎蕤別錄有萎蕤功用正同疑名異耳李當之藥錄主治痢洩縣屬西鄉玉案

山有之

烏頭

一名烏啄又稱草烏頭

多年生草山野自生狀類川烏由地下莖

生軟枝枝頭著生三葉如掌狀複葉花軸細長莖頂

開花七瓣花小藍色地下莖大如天冬屬毛茛科〔

按〕本草性毒古者熬膏傅箭以射野獸見血立死

亦治瘧疾縣屬西北鄉山野間多有之

唐松草 生於山谷草叢之間常二三苗集生一處莖高

二三尺歧枝稍蔓數回三出複葉小葉三裂上面有

毛葉柄較長間或能捲繞他物夏末開花花冠五瓣色白雄蕊多數色黃花萼稍帶紫紅色頗美麗植物全部均有毒質可供觀賞及合藥用屬毛茛科縣屬四鄉多有之

離瓣花類十字科凡九種

蕓薹

一名苔芥亦稱油菜蔬類植物葉大色濃緣無柄葉腳包莖春暮

開黃花爲總狀花序果爲長角熟則綻裂子出屬十字科〔按〕嫩葉可食本出溫帶近寒帶亦有之概有

防腐性及辛烈性然無有毒者其種子含油者可榨油謂之菜油可食並燃燈縣屬各鄉春間遍種之

薺

蔬類植物到處皆生葉在下部者羽狀分裂在上部者有缺刻老後莖高尺餘花四瓣色白實扁平三角

形中有細子屬十字科〔按〕嫩時可食其莖與花煎
服清實熱〔詩〕誰謂荼苦其甘如薺舊俗於清明節
插其莖於門椽縣屬城鄉隨地皆有之

蔊菜

俗名地
乾豆

蔬類植物冬月叢生於田圃莖高一二三寸葉

橢圓而長有缺刻春日開小黃花實爲細角長一二
分內有細子花色亦有白者屬十字科〔按〕此種植
物根莖葉皆可食味極辛辣亦稱辣米菜縣屬城鄉
原野皆有之

菘

蔬類植物葉闊大色淡綠有柄大別爲二種葉厚而

色青者俗稱青菜柄薄而色白者俗稱白菜爲蔬類
中常食之品一種經培養而變種者別稱黃芽菜春
初開四瓣花色白落後結實屬十字科〔按〕嫩時煮

食或醃藏均適口蔬類中之佳品也縣屬城鄉均種之

萊菔

一名蘆菔
一作蘿蔔

蔬類植物亦藥類要品也莖高尺餘葉作羽

狀分裂花四瓣色淡紫或白爲總狀花序實成長角形不裂開根長色白多肉別有紅色者根圓皮紅肉白皆屬十字科〔按〕本草載性辛甘入藥生食破血熟食補人虞衡志凡蘿蔔紅皮必內白天下皆然滇產者通體玲瓏中間點微紅如美人劈破燕支臉最可愛玩至其內外通紅片開如紅玉版以水浸之水卽深紅粵東亦賣此片猶以蘇水發之昔有人病夢紅裳女子引入宮殿小姑歌云五靈樓閣曉玲瓏天府由來是此中惆悵悶懷言不盡一丸萊菔火吾宮

一道士云此心脾之病食萊菔卽愈霜後萊菔葉治

痢子能治瘧有衝牆倒壁之功縣屬各鄉圃中栽之

蔓菁

俗名大頭芥

蔬類植物根多肉扁圓葉大略成羹匙狀邊

有細齒春日開黃花爲總狀花序絕類油菜花實成

長莢屬十字科〔按〕別錄昔人謂對須芥蕷蕪蕷蕷

菁七名一物蜀人謂之諸葛菜武侯南征用此菜蒔

於山中以濟軍食世人多以爲蔬醃藏熟食皆可口

縣屬城外菜圃栽之

芥蘭

蔬類植物葉平滑而厚嫩時微白層層包裹成球

形夏日開花四瓣淡黃列爲總狀花序結實成莢子
如菘粒地下莖出土上甚肥碩大者重至五六斤屬

十字科〔按〕本草拾遺云是西土藍農政全書北人

謂之擘藍山西志謂之玉蔓菁縷以爲絲皓若爛銀
浸之井華劑以醯醢脆美爽喉一入沸湯辛軟不任
咀嚼矣葉以爲齧曰酸黃菜尤美滇本草作芥蘭治
脾虛火盛中膈存痰腹內冷痛夜多小便又治大癩
瘋癲等症服之立效生食止渴煨食治大腸下血燒
灰爲末治腦漏鼻疳吹鼻治中風不語性畏濕喜燥
其根心堪爲蔬夏秋煮食尤美子可壓油縣屬城鄉
田圃蒔之

麥藍菜 蔬類植物葉鋪地生長橢圓形端尖抽莖開花
瓣肉紅葉抱莖對生每一葉間攢生一叉又頂開一
花四瓣花落結蒴呈圓扁形有子似小桃紅子屬十
字科〔按〕救荒本草葉苗味微苦採嫩者焯熟水浸

淘淨油鹽調食縣屬城鄉田野間有之

芥

蔬類植物葉似油菜而有缺刻葉面皺縮粗糙秋末

下種冬時可食春深開小黃花結實成莢子如粟粒

有白芥青芥紫芥又有南芥旋芥花芥石芥等種與

北芥異南芥色淡綠北芥色深碧屬十字花科〔按〕

別錄味極辛烈磨子爲芥末食饌用以調和葉可煮

食根莖切片拌鹽椒醃藏之味美或以廢醬漬之先

以熬糖及鹽醃之卽成俗呼大頭菜味糖鹹均勻頗

適口本草芥辛溫無毒此芥葉大子麤者葉堪食子

入藥用熨惡瘻至良葉小子細者葉不堪食其子但

堪爲齋爾縣屬城鄉菜圃中栽之

離瓣花類藜科凡一種

薯蓬

一名
藜菜

蔬類植物葉闊大厚而有光色青白成長後莖

高二三尺許初夏開多數小花成穗色黃綠又一種葉上缺刻甚多有地下莖如蘿蔔屬藜科〔按〕湖南謂之甜菜有紅莖者不中噉人種以爲玩菜味甜而不正品最劣易種易肥老圃之惰者植之夏月與菜作粥食解熱滇本草治中膈冷痰存於胸中不可多食滇多珍蔬固宜見擯縣屬近城川人栽之

離瓣花類石竹科凡五種

瞿麥

類穀山野自生高一二尺有節葉細長而尖對生

花每兩朵叢生萼爲管狀有苞如鱗片花五瓣色淡紅或白上部深裂如絲結實如燕麥亦作蘧麥屬石竹科〔按〕本草花大如錢紅白斑爛色甚媚俗呼

洛陽花用慈穀產後淋瞿麥爲要藥縣屬東北兩鄉

山野間有之

卷耳

一年生草生於園圃道旁等處莖葉皆有微毛莖

高者尺許葉作長卵形對生無柄春開白花離萼有五片瓣五各有五裂常有十雄蕊及五花柱瓶延長頂端開孔而散種子爲歧繖花序屬石竹科〔按〕嫩葉可爲茹縣屬城鄉隨處皆生

剪秋羅

一名漢
宮秋

多年生草莖葉多細毛莖高二尺葉卵形

端尖夏秋間開深紅花合萼有五裂花冠形如白玉草有十雌蕊及五花柱屬石竹科〔按〕供觀賞本草氣味甘寒無毒主治火帶瘡癰腰生者花葉搗爛敷之卽愈縣屬花園內栽之

剪春羅 莖葉皆有毛莖高二尺許入夏開花六瓣多紅色較石竹稍大周圍缺刻如剪屬石竹科〔按〕濃艷纖弱宜充階砌之觀及作小屏或種籬落間與墨粟相錯亦佳縣屬花園內栽之

王不留行

一名剪金草
又名禁官花

多年野生苗高一尺餘其葉對節生

又葉似石竹子葉而寬短搃莖對生腳葉似槐葉而狹長開粉紅花結蒴如松子大似罌粟殼樣極小有子如葶苈大而黑色屬石竹科〔按〕別錄甘平無毒止心煩鼻衄癰疽惡瘡瘻乳婦人難產等症縣屬虹山多有之

離瓣花類荳科凡十八種

蠶豆 穀類植物南省栽植之莖高二尺許葉柔厚狀如

匙頭爲奇數之羽葉其面青背白春月開花花冠如蝶形白質有紫黑斑實成莢以蠶時成熟故名屬荳科〔按〕其莢嫩時可食其子甜供食莖葉爲肥料並飼家畜虞衡志滇以蠶豆爲第一始則連莢而烹以爲菜繼則雜米以爲炊以當飯乾則洗之以爲粉縣屬各鄉皆種之

豌豆 穀類植物蔓生田圃中多種之葉爲羽狀複葉端有卷鬚基部有托葉甚大夏初開小花合萼五裂花冠不整齊而如蝶形淡紫色結實成莢長寸許屬荳科〔按〕莢嫩炒食甚鮮甜莖葉嫩時可爲蔬俗呼豌豆尖虞衡志豌豆亦可洗粉俗謂豌豆粉縣人多嗜之縣屬各蔬圃皆種之

豇豆

穀類植物蔓生葉爲羽狀複葉夏日開蝶形花淡青帶紫結實成莢長者至二尺俗亦稱長豆屬豆科

〔按〕本草味甘鹹平無毒主理中益氣補腎健脾和五臟營衛生精髓等益考此豆莢必雙生故有峰雙之名種有紅白紫赤斑駁數色可茹可穀亦能解蠶莽毒老則收子備用最多乃豆中之上品〔俗考〕中元節獻先祖豇豆亦屬祭祀品之一縣屬城鄉菜圃中栽之

刀豆

穀類植物葉爲複葉夏月開蝶形花色紫碧實成

莢長者近尺扁平似刀故名子淡紅色屬豆科〔按〕

酉陽雜俎謂之挾劍豆其莢醃以爲茹不任烹煮本草綱目刀豆味甘平無毒主溫中下氣利腸胃益腎

補元等症嫩時煮食醬食蜜煎皆佳老則收子子大如拇指頭淡紅色同豬肉雞肉煮食尤美有人病後餽逆不止聲聞鄰家或令取刀豆子燒存性白湯調服二錢卽止此亦取其下氣歸元而逆自止也縣屬城鄉菜圃栽之

落花生

又稱長生果

穀類植物莖高尺餘多蔓延地上葉爲羽

狀複葉夏秋之交開花色黃如蝶形花落後子房入

地一二寸結實成莢故名屬豆科〔按〕虞衡志落花

生爲南果中第一其資於民用者最廣宋元間與棉

花番瓜紅薯之類粵估從海上諸國得其種歸種之

呼落花生曰地豆滇俗呼落花松凡草木之實皆成於花此獨花自花而莢自莢花不生莢莢不帶花亦

植物中之異者性與王瓜相反不可同食若炒食香甘適口縣屬各鄉田塍間有種之者

葛 多年生草莖細長蔓生葉爲複葉闊大秋日開花紫赤色花冠蝶形結實成莢根外紫內白屬豆科〔按〕本草根入藥若搗碎取汁可成白粉謂之葛粉爲小粉中最佳之品可製種種食物莖之纖維可織葛布古時夏布多以此爲之今亦有雜絲織成綢料者縣屬各鄉庭院中栽之

苜蓿 蔬類植物原野自生大別爲二種一曰黃苜蓿莖不直立葉尖瘦花黃三瓣莢狀如鎌產於北方一曰野苜蓿亦稱南苜蓿土名呼金花菜莖臥地葉爲三小葉合成一葉倒卵形頂端凹入花小色黃其形似

蝶密集爲穗狀或頭狀莢作螺旋形有刺屬豆科〔按〕史記大宛傳馬嗜苜蓿漢使取其實來於是天

子始種苜蓿與黃苜蓿同類而異種想係移栽土候上之變種惟野苜蓿可作牧草縣屬各鄉有之

歪頭菜 出山野中細莖就地叢生葉似豇豆葉而狹長

背微白兩葉並生一處開紅紫花結莢如豌豆莢短小扁瘦屬豆科〔按〕救荒本草葉味甜採葉燂熟油

鹽調食縣屬西山最多

紫藤

蔓生木本植物莖纏絡於他物葉爲奇數羽狀複葉春暮開蝶形花紫色著最大之總狀花序長一二

尺下垂實成長莢有種子數粒其蔓甚堅強屬豆科

〔按〕嘉祐本草味甘微溫有小毒作藥用能令人吐

花香甘可調蛋炒食其蔓可以束物皮之纖維可以製絲織布其蔓細者可編用物其子可種蔓可壓刈移栽經四五年始開花結實用爲庭檻之飾或作涼

棚縣屬城鄉庭園中有植之者

皂莢

一名皂角

落葉喬木高二三丈多刺葉爲羽狀複葉夏開

黃色小蝶形花結實成莢長扁如刀屬豆科〔按〕莢含鹹性去垢膩故宜濯衣服其木材大者合抱供製器具及薪炭之用本草經味辛鹹溫主風脾死肌邪氣等症嫩葉可供蔬食縣屬各鄉多植之

決明

多年生蔓草莖高二三尺葉爲羽狀複葉秋開蝶

形花色淡黃列爲穗狀花序實成莢略似豇豆長五
六寸子綠色形如馬蹄亦稱馬蹄決明又一種花深

黃莢長寸許子扁色黑屬豆科〔按〕主治不詳縣屬

東鄉田野有之

雞血藤 蔓生葉爲羽狀複葉一枝五葉長橢圓形夏秋
之交開蝶形花如刀豆嬌紫密簇豔於朱藤蔓褐瘦
勁屬豆科〔按〕浸酒主和血絡縣屬虹山有之

金雀花

一名黃馨

素馨之異種也高三尺許花四瓣尖瘦旁兩

瓣外張如飛雀故名色黃葉爲複葉卵形莖有刺屬
豆科〔按〕花甘香調蛋炒食滇南本草味甜性溫主
補氣血勞傷咳嗽婦人白帶日久氣虛下陷煨肉食

良效縣屬庭園多植之

黃荳

一名胡枝子

多年生草莖高五六尺叢生多枝冬不盡枯
故經年以後粗大如灌木葉爲複葉端有細毛秋日

開紅紫色蝶形花實成莢果黃色細毛密鋪之屬豆科〔按〕萩草名屬蒿類或有謂之牛尾蒿者左傳秦周伐雍門之萩卽此物縣屬東鄉山間有之

夜合歡 落葉喬木山野自生葉似槐至暮卽合故又名合昏亦作合楷俗稱夜合花夏開小紅花甚美結實成莢長三四寸子如米粒屬豆科〔按〕花美豔供觀賞嵇康文合歡觸念卽是此物縣花名鄉河堤有之

櫟槐 落葉喬木高二三丈葉大而黑爲羽狀複葉初夏開花如蝶形色黃白實爲長莢狀如連珠中有黑子屬豆科〔按〕木材宜作器具實可入藥爾雅槐之大葉而黑蓋卽櫟槐也縣屬東鄉河堤有之

山扁豆 長綠草本狀如灌木莖柔弱高一二尺葉爲複

葉每枝小葉凡三夏開白色蝶形花爲總狀花序實

紫黑又一種葉花潤如木樨狹長而柔韌屬豆科

按一本草根實皆可入藥縣屬各大山皆有之

紫雲英

俗名牛角花又名
翹搖別名紫苜蓿

一年或越年生草莖高尺許向陽之

部微帶紫色數枝生於一處葉爲羽狀複葉小葉多
數呈橢圓形春日開花花冠蝶形二體雄蕊花序頭
狀莢圓長先端尖銳形微彎如牛角故俗有牛角花
之名屬豆科〔按〕本草綱目名曰翹搖蓋以此花軸
較長出於枝葉之上微風卽動也牛馬嗜食爲良好
牧草亦供藥用平肝熱縣屬田塍均產之

離瓣花類薔薇科凡二十五種

月季

一名粉團花
又稱月月紅

常綠灌木莖蔓生有刺葉爲羽狀複葉小

葉之數或三或五平滑有光並有託葉甚狹花重瓣
紅色有壺狀花託按月開放故有此稱一名長春花
屬薔薇科〔按〕本草綱目李時珍曰此花氣味甘香
平溫無毒主治活血消腫傳毒處瘰癧未破用月季
花頭一錢沉香五錢芫花炒三錢碎剉入大鯽魚腹
中就以魚腸封固酒水各一盞煮熟食之鯽魚須安
糞水內游死者方效縣屬庭園中栽之

玫瑰 落葉灌木高二三尺有刺葉爲羽狀複葉作橢圓
形絕類薔薇惟莖較短花紫萼綠亦有白花託爲臺
狀外生密刺屬薔薇科〔按〕濃香豔紫色雖麗而不
嬌不僅供玩賞又可製香水釀酒和糖霜名玫瑰糖
收於瓷瓶內晒過經年色不變縣屬南鄉田間植之

酴醿

亦作
荼醿

落葉灌木幹高四五尺由根叢生新枝葉柄皆

多刺葉爲羽狀複葉葉面微皺夏初開白色重瓣花
色似酴醿酒故名屬薔薇科〔按〕唐時寒食宴宰相
用酴醿酒此種植物枝葉婆娑花瓣細瑣精豔可愛
若植籬邊與玫瑰相掩映風趣尤佳縣屬庭園中有
植之者

十姊妹 常綠灌木莖葉絕類薔薇枝亦有刺花小於薔
薇亦重瓣有紅白紫淺紫四種約十朵成一簇故名
屬薔薇科〔按〕此花近水易生正月移栽或八九月
扦插必活香色皆不減於月季圍籬落間最佳縣屬
庭園中植之亦有野生者

鎖梅 蔓生之多年草本長莖臥地有刺葉爲複葉夏初

葉腋開黃色小花柄長至秋實熟皮紫由數子房簇聚成球有漿及極細之小黑子屬薔薇科〔按〕子味甘酸可食有紅鎖梅及黃鎖梅二種滇本草謂之覆盆子縣屬園圃中有植之者

棠梨一作甘棠
俗稱野梨落葉亞喬木枝幹似梨葉作卵形有鋸齒春初開小白花五瓣實小屬薔薇科〔按〕實煮之可食其花亦可爲蔬園藝學家常以此樹接梨救荒本草實味澗甘寒無毒主治燒食止滑痢霍亂吐瀉轉筋腹痛取一握同木瓜二兩煎汁細呷之可愈縣屬南鄉珥琮堡田野植之

山楂子 落葉亞喬木高一二丈枝多刺葉形似尖劈有鋸齒春暮開小白花萼分五裂子房在下位有單雌

慈實有赤黃二色大者如小林擒秋熟屬薔薇科
按一閩人去皮核和糖蜜搗之作爲山楂糕滇人製
法不及味亦遜焉縣屬珥琮堡及金馬山植之

薔薇 落葉灌木枝茂多刺高四五尺葉爲羽狀複葉小
葉作橢圓形花五瓣而大有紅白黃等色頗美麗又
一種野薔薇生於原野與家種略同惟花較小有純
白粉紅二色甚美豔複瓣而芳香過家種屬薔薇科
〔按〕色淺白深紅精豔可愛宜結之成屏或引之高
樹使延蔓着花如綴火齊均奇觀也可製香水雲仙
雜記柳宗元得韓愈所寄詩先以薔薇露灌手然後
發讀蓋卽按香水法所製成者此種植物在水邊者
俗呼水薔薇縣屬桃源口淺塘邊有之瓣大而豔者

縣屬花園中植之

枇杷 常綠亞喬木高一二尺葉長橢圓形鋸齒甚細互生背有褐色毛甚密冬月開小花色白五瓣夏初結實形圓熟則皮黃有細毛屬薔薇科〔按〕實味甘可生食別有皮內淡黃色者俗呼曰沙枇杷味尤美駱谷有枇杷花與杜鵑相似原名琵琶花後人不知改爲枇杷元植詩萬里橋邊女校書琵琶花下閉門居蓋卽此花宋長白柳亭詩話今稱妓家爲枇杷門巷縣屬庭園中栽之

懸鈎子

一名木莓
又名山莓

山野自生落葉灌木莖葉皆有刺高四五尺葉掌狀分裂互生夏初開白花五瓣實爲肉果屬薔薇科〔按〕村人有摘其果而食者主治不詳縣

屬各鄉大山中有之

櫻桃 落葉灌木高至丈餘葉橢圓而闊有鋸齒嫩莖及葉之背面生毛甚密春夏之交開小白花如梅實如小球熟則紅子房在上位是一種核果屬薔薇科〔按〕實熟可食木材可製具縣屬花園中植之

梅 落葉喬木早春開花色有紅白二種冬初開花白者初開時微帶綠色亦稱綠萼梅葉後花而生卵形而尖邊有鋸齒果實立夏後熟生者青色爲青梅熟者黃色爲黃梅屬薔薇科〔按〕本草經梅實味酸平主下氣除熱煩滿安心止肢體痛等症生食止渴醃以鹽晒乾曰鹽梅核仁根葉能治疾別錄梅實無毒止下痢拾遺梅葉擣碎湯洗衣服垢易脫實蜜漬甘脆

適口浸酒中味亦香醕楊起簡便方臂牛膿疽惡肉突起用烏梅燒存性研傅惡肉上一夜立盡妙方也縣屬城鄉庭園中植之

杏 落葉亞喬木高丈餘花葉均與梅相似二月開紅花實熟則黃仁扁而尖屬薔薇科〔按〕實味甘酸其仁有甜苦二種本草核仁甘溫主欬逆上氣雷鳴喉痺下氣產乳金瘡等症別錄核仁苦有毒主驚癲心下煩風氣往來時行頭痛解肌消心下急滿痛殺狗毒五月採之其兩仁者殺人可以毒狗花味甘苦無毒主補不足女子傷中等症實味酸不可多食傷筋骨神仙傳杏子仁可以爲粥縣俗宴客湯點中有杏仁茶味亦可口縣屬南鄉珥琮堡種之果園中

拾遺神仙
傳董奉居

廬山爲人治病重者種杏五株輕者一株號董仙杏林今以頌醫

李 落葉亞喬木高丈餘葉卵形而長春日開白花五瓣

實圓熟色赤屬薔薇科〔按〕別錄實甘亦有苦者名

郁李生食勿過多仁味苦平無毒主僵仆踒折瘀血

骨痛根皮大寒主消渴止心煩逆奔豚氣寒味苦解

痼熱調中李皮水煎含之療齒痛李時珍云李綠葉

白花樹能耐久實味甘酸今人用鹽晒糖藏蜜煎爲

果味亦佳說林立夏日俗尚噉李時人語曰立夏復

含李能令顏色美故是日婦人作李會飲李汁酒縣

無此俗縣屬南鄉珥琮堡果園中最多

橙柰

一作蘋婆果
俗呼蘋果

果名落葉亞喬木高丈餘葉橢圓而長春

開淡紅花五瓣夏實秋熟有赤白青三色亦有五色

兼備者大如梨略扁肉厚色白核小一房二子屬薔薇科〔按〕實味甘香清芳撲鼻滇果中之上品本草蘋婆卽柰之異名採蘭雜志及學圃餘疏謂卽蘋果之異名縣俗中秋獻月之供品縣屬南鄉廣南衛果園中植之

林檎

落葉亞喬木高丈餘葉橢圓有鋸齒春暮開花五瓣色白有紅暈夏末果熟形圓如花紅屬薔薇科〔

按〕開寶本草謂卽沙果李時珍以爲文林郎果卽此味酸甘溫無毒多食發熱澀氣令人好睡發冷痰生瘡癧百脉不行其樹似柰子亦如柰較小惟縣屬所產林檎別爲一種洛陽草木記林檎之別有六花紅亦林檎之一種耳按縣產花紅僅果實大於林檎

故花紅或因人工之培植種遂與林檎異屬之林檎亦無不宜縣屬南鄉果園中植之

桃 落葉亞喬木高丈餘葉橢圓而長春時開花五瓣萼片亦有五雄蕊之數甚多雌蕊一本子房下位花色紅亦有重瓣者不結實名碧桃二月花落結菓秋熟大如拳色紅呼爲綿核桃黃者呼爲離核桃尚有金彈子白綿核等名肉厚屬薔薇科〔按〕本草經桃核仁味苦平主治瘀血邪氣等症桃花殺疰惡鬼令人好顏色桃梟微溫主殺百鬼精物桃毛主下血癥寒熱積聚莖白皮味苦平無毒除邪鬼中惡腹痛去胃中熱葉味苦辛平無毒主除尸蠱實味甘香可啖黃桃味尤佳別錄風俗通上古之時有神荼鬱壘兄弟

二人能執鬼俗畫其像於桃木門板上以壓邪鬼謂之桃符今則多以春聯爲桃符矣縣屬南鄉遍植之梨

落葉亞喬木高丈餘葉作卵形端尖夏初開花五瓣色白實爲漿果大而圓至秋成熟皮有細點肉白有年年攀折屈曲其枝或芟刈之故有成灌木形者屬薔薇科〔按〕別錄梨味甘微酸寒多食令人寒中萎困金瘡乳婦血虛者尤不可食葉主霍亂吐下煮汁服凡風熱潤肺涼心消痰降火解毒則非梨治不爲

功縣屬有寶珠梨雪梨麵梨海東梨刺梨麻梨烏梨龍潭梨等名味之甘如蜜者以寶珠梨爲最縣屬果

園中植之

山櫻桃落葉亞喬木高一二丈樹紋如桃葉類朱櫻春

開長柄粉紅花似垂絲海棠瓣微長多少無定內淺色外深色附榦攢開朵朵下垂田塍籬落絳霞彌望屬薔薇科〔按〕實甘酸可食其枝可接櫻桃縣屬黑林鋪村間有植之者

棣棠花 落葉灌木山野自生高四五尺葉長卵形端尖有鋸齒互生春暮開花金黃色單瓣者結實重瓣則否莖中瓢白色如通草屬薔薇科〔按〕園藝學叢生開花如小菊遇風雨卽凋以發條時分栽或春分斫嫩枝插於肥地卽活若植之於修篁蒙密之中使枝頭挺秀於竹上當開花絢爛時於數十武外遙觀之覺其孤立不羣則具清趣縣屬鄉間寺院中喜栽之城內花園中亦有植之者

海棠 落葉亞喬木高丈餘葉作長卵形端尖有鋸齒春

日開花五瓣淡紅萼紅色略黑有數種早春卽開花
小色深紅緊着枝上者謂之貼梗海棠花梗細長者

謂之垂絲海棠皆重瓣不結實屬薔薇科〔按〕縣城
所植者以垂絲海棠爲多開花時滿枝簇聚如錦毬
其姿態嫣然有遺世之概縣屬園中植之

蛇葡萄

即蛇莓
一名蛇含

多年生蔓草野生葉作掌狀分裂夏開淡

黃花實至秋而熟紅紫白綠相雜頗美麗屬薔薇科
〔按〕有毒不可食若植之籬邊似蛇珠錯落亦可觀

也縣屬寺院中有種植者

橘

常綠灌木高一二丈莖有刺葉作長卵形端尖葉柄

有翼狀之小片花白五瓣冬初結實扁圓色紅皮隆

起作粒狀亦有光滑者屬薔薇科〔按〕實易剝味甘酸不及粵產其皮及絡與核治痰咳良效縣屬花園中植之

橙 常綠灌木高丈餘葉長卵形大於橘葉花白實經霜早熟形圓色正黃皮粗糙內瓢膜連不分格有核屬薔薇科〔按〕瓢味酸多汁皮香氣甚烈作供玩置之案頭能經久不敗縣屬花園中間植之

柚 常綠灌木高丈餘枝有刺葉爲長卵形葉柄有翼狀小片花白五瓣實徑四五寸形圓頂高色正黃皮極厚瓢分格肉爲荳狀屬薔薇科〔按〕味甘淡不及橘橙香則過之實大如瓜有重至二三斤者縣屬花園中間植之

離瓣花類繖形科凡十三種

銀柴胡 多年生草山野自生莖高尺餘綠色葉細而狹長開碎黃花根大如指頭黑色有微馨屬繖形科〔按〕前人謂銀柴胡以出銀州得名漸以韭菜者爲

猴柴胡竹葉者爲銀柴胡相承如此主治與他地同

縣屬睡佛山有之

茴香

一
蘆香

多年生草隨處皆生莖高五六尺葉細裂如絲

夏開小黃花爲複繖花序實大如麥粒殼有細稜別有小茴香八角茴香等名屬繖形科〔按〕莖葉嫩時可供食子辛香晒乾磨爲末可調食物根順氣入藥

用縣屬菜圃栽種之

竊衣

草名生於道旁葉爲複葉葉片纖細夏開小白花

爲繖形花序實橢圓扁平熟則毛刺甚硬恆着於衣服及動物之體以播散其種子屬繖形科〔按〕竊衣俗呼黏人草但此種植物關於黏人者種實不少如蒼耳草等然種確不同本科之竊衣係複葉繖形花與蒼耳殊主治不詳縣屬原野間多有之

胡蘿蔔俗呼黃蘿蔔越年生草葉爲複葉分歧甚多有長柄夏初開小白花爲複繖花序根細長色黃肉薄子如蛇床子褐色屬繖形科〔按〕別錄元時始自胡地來宜潮沙地六月下子七月分栽十月取根生熟皆可啖縣屬城鄉菜圃中種之

芹葉鉤吻 繖形科植物生於水邊陰濕地帶多年宿根生草莖高二三尺數回羽狀大複葉複繖花序花小

色白雄蕊五枚與花瓣同數互生地下根莖有明瞭之節形似水芹誤食卽死故有「毒芹」長命竹等名縣屬各鄉溝塍及淺水中均有

芹舊名楚葵俗稱水芹又名薹菜蔬類植物水邊濕地多有之莖有稜中空葉爲羽狀複葉互生夏月開小白花屬繖形科〔按〕葉嫩莖肥脆可炒食縣屬各蔬圃有之

防風 多年生草似青蒿而短小春初發嫩葉紫紅色葉羽狀三裂五月開細白花五瓣作複繖花序實似胡荽子而大根土黃色屬繖形科〔按〕本草經味甘溫主大風頭眩痛惡風風邪目盲等症縣屬玉案山有之

滇芎 多年宿根生草野生莖高一二尺葉似芹分裂尤

細長開細白花五瓣爲複繖花序屬繖形科〔按〕土人呼爲山芹根長大粗糙頗香滇本草味辛性溫發散癰疽治濕熱止頭痛食之發病縣屬虹山有之

前胡

多年生草野生莖高四五尺葉羽狀分裂葉腳略闊圓抱其莖秋月開小花爲複繖花序色紫黑屬繖形科〔按〕別錄味苦微寒無毒主療痰滿胸脅中痞心腹結氣等症縣屬西山多有之

當歸

多年宿根生草大形羽狀複葉小葉三出極爲厚密莖高一尺至四尺不等莖葉皆有毛茸花呈白色複繖花序植物全部俱有香氣根莖入藥爲婦科調經要品查當歸因產地不同名稱亦異產陝西者名秦歸產山西者名禹歸產四川者名川歸產吾滇大

理者名理歸理歸雖有其特產之處但其味辣而麻性燥通行未若昆明產者之醇厚昆明北鄉蛇山箐中出產甚多易門植物學者李天祿採標本於蛇山發現沿箐皆是苗高根肥味甘微苦不辣不麻甚近秦歸惜人皆不知採用云

獨活 多年宿根生草莖高三五尺葉爲羽狀大複葉花白五瓣複繖花序根莖入藥爲風痛要品縣屬四鄉山野均產昔日昆明市藥坊此品採自四川近年以來多就地自給云

白芷 形同獨活縣屬四鄉出產甚多氣味芳香爲散風

表汗要藥

胡荽

一名
蘆荽

一年生草莖高尺許葉爲羽狀複葉細裂有鋸

齒夏初開細花簇聚如繖實圓無翅屬繖形科〔按〕
冬春採食較夏秋尤香美子辛香可作香料嘉祐本
草味辛溫一云微寒微毒消穀治五臟補不足利大
小腸通小腹氣拔四肢熱止頭痛通心竅久食令人
多忘發腋臭腳氣等症縣屬菜畦內種之

合瓣花類菊科凡二十一種

菊古作鞠 花名春由宿根生夏至後分植深秋開花莖略帶
木質葉有缺刻花冠周圍爲舌狀或絲狀或瓜狀中
部爲管狀列爲頭狀花序其色或紅或白或黃或赭
或綠或紫屬菊科〔按〕其清芬高華非他花所可比
擬宜大叢畦栽配以疏籬野石豆棚瓜架最佳李時
珍云有九品陶宏景別爲兩種莖葉氣香而味甘

幹紫者爲眞菊莖青而作蒿艾氣味苦者名苦蕙花性甘寒入藥葉富除毒質搗之傅腫毒良效縣屬花園中多植之

鷄兒腸 蔬類植物野生高二尺餘秋初開花爲頭狀花序周圍花紫中部黃與馬蘭差同屬菊科〔按〕莖葉嫩時可茹縣屬原野田塍間有之

薊俗呼雞脚刺 多年生草有大小二種大薊高四五尺葉爲羽狀深裂邊緣多刺秋開紅紫花爲頭狀花序長而下垂小薊高尺餘葉亦多刺葉背有毛如蛛網夏開淡紫花亦爲頭狀花序較大薊小屬菊科〔按〕味苦入藥

縣屬原野多有之

紫菀 多年生草高六七尺葉長橢圓形有鋸齒葉面粗

糙秋日開花爲頭狀花序周圍爲舌狀花冠淡紫色
中部爲管狀花冠黃色根紫而柔軟屬菊科〔按〕根
入藥辛溫潤肺瀉火白者名女菀氣分中藥縣屬北
鄉迴龍山爲多

苦菜

一名雲薹

蔬類植物莖高二三尺中空葉闊而緣柔軟鋸

齒甚深葉莖皆有白汁與苦蕡無異惟春夏之間開
黃花花期不同以此爲別屬菊科〔按〕莖葉可煮食
醃而藏之酸脆適口縣屬城鄉各菜圃俱種有

萐苣

亦名萐

蔬類植物葉由根生者尖闊由莖生者爲心臟

形皆無柄抱莖春暮開黃花列爲頭狀花序莖高尺
餘屬菊科〔按〕莖去皮調醬料食甚可口並可醃藏
若與豬肉煮食最下乳縣屬城鄉菜地中植之

蒲公英

一名黃花地丁

多年生草野生葉由根叢生羽狀分裂有大

鋸齒下向早春葉叢抽花莖斷之有白汁頂開黃花爲舌狀花冠有冠毛屬菊科〔按〕本草味甘苦入藥有健胃之功富除毒性拔癰疽有奇效縣屬城鄉隨地皆有之

蓬

草名莖高尺餘葉如柳葉有鋸齒花甚小色白秋枯根拔風捲而飛故又名飛蓬屬菊科〔按〕救荒本草葉燥熟可茹屬菊而性殊不能治疾縣屬東鄉山野

多有之

款冬

一名蕘葵

多年生草高二尺餘葉圓大基部缺刻甚深柄

長二寸許莖別有小葉長卵形春初莖端開黃花爲頭狀花序百草中此最先春雖冰雪下亦生芽故有

此稱屬菊科〔按〕救荒本草嫩葉可爲蔬縣屬五老山麓石隙中有之

牛蒡

一名惡實俗呼牛蒡山藥

越年生草春暮生苗發莖高者三四尺葉

爲大心臟形有長柄背生白毛夏開管狀花色紫並有鱗片結成之總苞實多細刺屬菊科〔按〕根大如臂長者近尺入藥古以爲鋪今人罕食之縣屬各山野出之最多

天竺牡丹

多年生草高四五尺葉爲羽狀複葉自夏歷

秋花期甚長排列爲頭狀花序花冠周圍爲舌狀中部爲管狀有黃紅紫白等色甚美麗屬菊科〔按〕是花原產於墨西哥日本謂之天竺牡丹花色斌媚宜種於欄前別有雅趣縣屬花園中植之

千日紅

一年生草高尺許莖似海棠葉長橢圓形秋初

開花色紅紫爲頭狀花序頗美麗經久不凋故有此名亦有白花者屬菊科〔按〕枝葉細嫩花艷可愛作盆景洵佳若假山間植一二株尤見生趣縣屬園圃中有栽者

金盞花

一年生草莖高尺許葉作長橢圓形花金黃色

複瓣亦有單瓣者爲頭狀花序花形深小如盞四时不絕其實爲小瘦乾果彎曲有刺屬菊科〔按〕與剪春羅雜蒔籬間石後聊爲點綴小品別有可觀縣屬庭園中亦多植之者

金錢花

草本一年生高尺餘葉作卵形秋開花色黃似

錢而欠稜廓午開子落故又呼子午花又名夜落金

錢屬菊科〔按〕此種植物若雜以洋烟花種一弓地當花時如布錦繡亦大觀也縣屬花園中多有蒔之者

山荻

一年生草山野自生高尺餘葉鍼形包花莖其末

花之枝則細葉簇聚枝端如毬莖有白色絨毛密生

花黃爲頭狀花序花冠有絨毛密鋪如氈五瓣大如

金錢菊屬菊科〔按〕花狀別致作盆景亦可觀縣屬

西鄉寶珠山有之

豨莶

一年生草莖方高二三尺葉圓而端尖對生秋月

開小黃花有黏毛易著人衣屬菊科〔按〕本草楚人

呼豬爲豨呼草之氣味辛毒爲莶此草氣臭如豬而

味莶螫故名宋張詠進豨莶表云……其草金稜銀

鑲素莖紫荄時節而生頗同蒼耳臣嘆百服眼目清明卽至千服髮鬚烏黑筋力輕健效驗多端……入藥用甚大也縣屬各鄉有之

艾 多年牛草莖白毛高四五尺葉互生長卵形爲羽狀分裂背面生白毛甚密夏秋之交開小花淡褐色結實纍纍屬菊科〔按〕本草入藥別錄嫩時可茹乾後揉之成艾絨醫者灼以治病謂之灸亦用作印泥按舊俗端午節以艾蒲插瓶云拔不祥縣屬夏季栽者甚多

茼蒿 蔬類植物莖高二三尺葉羽狀深裂互生花黃或白中部爲管狀春冬莖葉始萌屬菊科〔按〕嫩時可茹能清熱縣屬城鄉蔬圃植之

向日葵

俗呼朝
陽柄

一年生草莖高六七尺葉作卵形互生有鋸

齒葉面粗糙夏秋之交莖頂開一花爲頭狀花序大

者徑七八寸花瓣鮮黃其花常向太陽旋轉故名屬

菊科〔按〕花有俗氣無足可觀惟一柄出子至千粒
可噉並能榨油縣屬秋季田圃中多種之

野白菊花

一年野生莖高四五寸綠莖圓細葉長橢圓

形端尖似鳳仙劉寄奴互生稍端開花單瓣色白黃

心大如五銖錢屬菊科〔按〕俚醫云性涼可煎洗無
名腫毒縣屬田野間最多

青蒿

多年生草野生初春時葉布地叢生羽狀分裂春

日抽莖高三四尺梢葉細裂如絲花黃綠色爲小頭

狀花序排列如穗屬菊科〔按〕戴志又名黎蒿嫩萌

芽肉炒味佳抽莖後入藥愈肝經各症縣屬田塍間有之

離瓣花類馬鞭草科凡一種

臭牡丹

一名真楓根
紅袍

多年自生小灌木莖高三四尺葉卵形

端尖似紫荆葉而薄又似油桐葉而小稍端葉頗紅

葉頂開花五瓣色淡紫成攢頗似繡毬四雄蕊伸出

花瓣外亦艷麗屬馬鞭草科〔按〕治頭痛縣屬庭園

中植之

離瓣花類安石榴科凡一種

石榴

一名安
石榴

落葉灌木高八九尺葉長卵形面平滑夏初開

深紅花實五瓣萼片甚厚不實者重瓣花大而艷俗

呼海棠石榴果爲球形皮厚色赤有黑斑熟則自裂

中有子多汁屬安石榴科〔按〕別錄實甘酸無毒主咽喉燥渴損人肺不可多食殼治下痢止漏精東行根治蛻蟲陸機與弟雲書云張騫使西域得塗行安石榴今移種者多重瓣花乾之作末治心熱吐血及衄血吹鼻中立愈其子可釀酒縣屬各花園中栽之離瓣花類柿樹科凡二種

柿俗呼 落葉喬木葉卵形端尖夏至時開花色微黃單性
雄蕊實圓徑二寸許八九月熟未熟時味澀熟則味
甘色紅屬柿樹科〔按〕實熟可生啖勿多食李時珍
柿乃脾肺血分之果也味甘而氣平性澀而能收故
有健脾澁腸治嗽止血之功柿霜肺病上焦藥乾之
可作柿餅縣屬南鄉果園中最多

君遷子

俗名軟棗

落葉亞喬木高丈餘葉長橢圓形有鋸齒夏

初開花花金黃色秋實小於柿亦有四帶外紫內赤

子扁平如柿子屬柿樹科〔按〕味甘酸如小棗主痰

咳噠氣蜜漬甚甘美生者甘澁兒童食之使大便難

野人夏秋痢下食葉輒止虞衡志都念子卽倒捻子

也捻其蒂而食訛爲都念土人呼爲軟棗縣屬城鄉
庭院中多有植之者

離瓣花類鼠李科凡二種

枳椇

俗名榜棗一名木蜜

落葉喬木高數十尺葉卵形有大脈三條花

小形色白果實有肥大肉質之柄味甘美供食用藥

用性熱強心健胃舒筋活血又能解酒屬鼠李科縣

屬各鄉園圃均有栽培者

棗 落葉亞喬木長二丈許葉作卵形互生花小而色黃
實橢圓生色綠熟則紅屬鼠李科〔按〕別錄味甘平
益脾本草入藥熟時形如羊矢紅色可生噉糖煮食
尤佳縣屬南鄉果園中舊有植之者

合瓣花類大戟科凡八種

白桐 落葉喬木皮色粗白高約三丈葉圓大掌狀分裂
有長柄春暮開唇形花或紫或白成大圓錐花序萼
黃褐色實爲兩房之蒴果長寸餘如棗屬大戟科〔
按〕花白而葉光滑者爲白桐如梧桐青桐不歸此
科特誌之縣屬植物園種植之

澤漆一名豬兒眼草 一年生草莖高七八寸葉爲倒卵形春暮莖
頂生五葉分五枝開淡褐色小花屬大戟科〔按〕本

草辛苦入藥縣屬山野平澤間多有之

乳漿草 莖高尺許葉長如鞘狀枝頭聚生春間莖頂開花色淡黃係不完全之單性花屬大戟科〔按〕土醫以治乳癰縣屬山野多有之

地錦 多年生蔓草葉爲掌狀分裂經霜則成紅色春夏之交開淡黃色花甚細結實成球色黑又一種莖有白汁葉小而對生花小黃褐色生於葉腋亦名地錦屬大戟科〔按〕實味微辛可治跌損用吳其濬植物圖考縣屬田野中有之

土瓜狼毒一名地盤松 多年宿根牛草苗高五六寸葉披針形互生形略似松地下根莖肥大形圓如瓜根莖葉皆有乳狀液汁此品性溫味麻有猛毒性如虎狼爲殺藥

劑功力較大甚過一切毒劑云屬大戟科縣屬蛇山後多產之

大戟 多年生草本莖高三尺餘葉互生橢圓形或披針形表面被白粉花小單性無花被有四片萼狀總苞有毒植物可作藥一次用量只可數分過則傷人縣屬原野及園庭皆有之

大狼毒 多年宿根生草常三四苗集生於一處莖高尺許葉長卵形或廣披針形肉質較厚地下根莖肥大圓錐形如胡蘿蔔根莖葉俱有乳狀液汁有大毒用治瘡癬及叢用殺蟲藥劑屬大戟科縣屬西山蛇山皆產之

雞腸狼毒一名順水龍 莖葉酷似土瓜狼毒性根莖不類瓜而

似雞腸也味苦辣麻入藥功治利水消腫殺蟲攻食
其效神速故有順水龍之名屬大戟科縣屬各鄉原
野皆產之

離瓣花類蠟梅科凡一種

蠟梅原名黃梅落葉灌木葉爲長卵形對生冬時開花外黃內

略帶紫色花瓣似擦蠟所成故名屬蠟梅科〔按〕浸
蠟梅花瓶中飲其水能毒人其實謂之土巴豆有大
毒李時珍曰花解暑生津其樹皮浸水磨墨有光采
縣屬曇華寺中最多各鄉亦間有之

離瓣花類茅膏菜科凡一種

茅膏菜 肉食植物之一生於濕地高四五寸葉略如半
月形有長柄邊緣及面多數腺毛其端分洩黏液小

蟲觸之則黏而不脫徐徐消化吸收之花小色白或帶紅色屬茅膏菜科〔按〕不聞有用之者縣屬墨雨龍潭有之

離瓣花類金縷梅科凡一種

金縷梅 落葉亞灌木高丈餘葉橢圓互生質厚微皺早

春開花其肥金瓣如縷遠望如臘梅屬金縷梅科〔

按〕花麗可人順氣馥郁若於怪石嵯峨之間植一株其雅麗風度非他種所可比擬者縣屬花園中植者甚少

合瓣花類遠志科凡一種

甜遠志 常綠草名莖高一尺甚細葉橢圓端極尖較苦

遠志葉大夏開有管狀之瓣狀花九瓣色紫屬遠志

科〔按〕李時珍云此草服之益智強志故有此稱補

心血定驚悸等症西醫用爲除痰種縣屬虹山有之

雙子葉離瓣花類楊梅科凡一種

楊梅

常綠亞喬木高二尺許葉平滑橢圓而長春開黃

白花實夏熟實如彈丸有多數小顆粒突起熟則紅

紫多漿屬楊梅科〔屬〕桑上接楊梅生子不酸可生

食多能傷齒糖蒸食能解暑縣屬各鄉山中有之

雙子葉離瓣花類千屈菜科凡一種

紫薇花

落葉亞喬木高丈餘極滑澤之樹皮葉橢圓形

對生花紅紫花瓣多皺襞夏日開花秋季方罷屬千

屈菜科〔按〕樹怕癢本根枝必動花色艷麗俗傳引

邪故居家無植之者縣屬寺觀中植之

雙子葉離瓣花類虎耳草科凡二種

蝶戲珠 落葉灌木高四五尺葉橢圓有淺鋸互生夏季由葉腋生花枝花小五瓣三大前二小後色白似蝶其蕾簇聚於花間似圓珠故名屬虎耳草科〔按〕供玩賞縣屬庭園中植之

繡球 落葉灌木葉爲圓卵形微皺色深綠春日開花五瓣爲頭狀花序團欒成球色多白少紫屬虎耳草科〔按〕武林舊事鍾美堂花爲極盛堂前三面皆以花石爲臺三層臺後分植玉繡球數百株儼如金鑄玉屏供觀賞縣屬庭園內植之

雙子葉離瓣花類牻牛兒科凡二種

天竺葵俗名萬年紅 多年生草葉形圓惟葉托處有深裂裂花生

枝頭爲總狀花序中之繖房花序色紅五瓣甚美花開四時不絕屬牻牛兒科〔按〕花經久不謝供玩賞

縣屬花園中植之

牻牛兒苗

一名葦草

多年宿根蔓草莖葡萄地上莖節明瞭

單葉對生每片作掌狀分裂裂片五片葉柄甚長夏日開花花冠五瓣色白或黃常二花集生花後結離果此品供藥用治痢疾縣屬各地均產之

雙子葉離瓣花類堇菜科凡二種

紫花地丁 多年生草高三四寸葉長橢圓形有長柄叢生春初葉叢出花莖每莖開一花五瓣色紫其瓣大小不等中一瓣有長鋸屬堇菜科〔按〕本草入藥縣屬山野間最多

堇菜

蔬類植物莖高尺許葉闊夏日開花淡紫色屬堇

菜科〔按〕莖葉味苦瀹之則甘而滑詩云堇荼如飴

供蔬縣屬田圃中有種者

合瓣花類玄參科凡四種

地黃

多年生草高六七寸葉形長橢圓互生花黃白略

紫花冠爲唇形實類小麥根長三四寸細如手指皮

色赤黃晒乾則屬玄參科〔按〕根入藥治腎經病生

者名生地蒸熟者名熟地縣屬玉案山左近山壑中
多有之

婆婆納

一年生草野生長五六寸葉卵形有粗鋸齒春

開淡紅色小花實小而扁圓屬玄參科〔按〕救荒本

草葉燂熟可食縣屬虛凝菴附近最多

柳穿魚 多年生草莖不盈尺恆欹斜葉橢圓兩端皆尖無葉柄葉莖皆附白粉夏開唇形花淡黃色屬玄參科〔按〕無大用縣屬盤龍江淤積沙地有之

沙參即金
鎖 莖高尺餘枝蔓生柔軟拖地葉長圓對生厚肥僅露直紋一縷夏開小淺紅花五瓣極細獨根橫紋亦有數根攢生者屬玄參科〔按〕滇本草味辛辣性大溫有小毒吃之令人多吐專治面寒痛胃氣心氣疼攻瘡癰排膿爲末五分酒服立效縣屬馬鞍山多有之

合瓣花類唇形科凡十一種

香薷 草名野生葉爲長卵形有鋸齒秋開白花略帶紅紫色叢集成穗狀香氣強烈屬唇形科〔按〕本草辛

散皮膚之蒸熱溫解心腹之凝結誠香薷之妙用也
縣屬山野多有之

薄荷 多年生草濕地自生高二尺許葉爲卵形端尖有鋸齒秋月開淡紫花花冠爲唇形叢生於葉腋莖葉有特別香氣屬唇形科〔按〕本草李時珍云薄荷貓之酒也犬虎之酒也食之皆醉故被貓傷者薄荷汁塗之性涼散入藥可製薄荷油薄荷腦等滇本草作菜食反白髮爲黑與他省出者殊又治癰疽疥癬及漆瘡有神效縣屬田塍溝渠邊有之

香茶菜即藿 野生莖方有節中空葉卵形端尖有缺刻自莖端至下部對生甚密夏秋之交開花花冠爲唇形屬唇形科〔按〕本草莖葉香氣頗烈味辛甘微溫開

氣要藥縣屬鄉中田壠間有之

紫蘇

一年生草莖方高二尺餘葉卵形尖端有鋸齒對生背紫紅色夏日出長花莖開小總狀花序之唇形

花色白或淡紅實如芥子又一種莖葉皆淡青而花白者別名桂亦呼白蘇屬唇形科〔按〕本草入藥有

疏風止痰嗽之妙白蘇用爲香料子榨油以塗紙傘

雨衣謂之桂油本草會要宋仁宗命翰林院定湯奏

曰紫蘇熟水第一以其能下胸膈浮氣也蓋不知其

久則泄人真氣焉湖南以爲常茹謂之紫菜以烹食魚尤美又以薑梅同糖製之暑月解渴行旅尤宜縣

屬田圃中植之

續斷

草名野生莖高三四尺中空有稜葉羽狀深裂如

薊春夏之交開紫花萼裂爲五齒有十縱線花冠爲唇形上唇凸出下唇分爲三在中央一片爲大在兩邊者較小有二強雄蕊著於花冠屬唇形科〔按〕根入藥長編本草經味苦微溫主傷中補不足金瘡癰瘍折跌續筋骨婦人乳難久服益氣力縣屬山中多有之

草石蠶一名甘露子 多年生草莖方葉稍似心臟形皆有毛密生夏初葉腋間開紫色唇形花地下莖之尖端色白形如連珠略似蠶形故名屬唇形科〔按〕地下莖味甘爲蔬甚美可醃藏縣屬菜畦種之

鼠尾草 多年野生高尺餘葉爲掌狀複葉對生花淡紫色花冠唇形爲總狀花序屬唇形科〔按〕花及莖葉

可染皂出植物要覽縣屬原野多有之

土荆芥 高三四尺綠莖有稜葉似香薷複葉對生葉間開粉紅花花落結笛子三尖微紅似紫蘇瓶子而稀疏屬唇形科〔按〕土人以代假蘇用縣屬山野多有之

地盆草 一年生草葉卵形叢生夏季由葉腋抽花莖高四五寸開唇形花旁兩副瓣較小色紫屬唇形科〔按〕俚醫入藥主治不詳縣屬鸚鵡山有之

夏枯草 多年野生莖方高尺餘葉長卵形端尖莖葉皆有毛夏初莖端開唇形花列爲穗狀花序色淡系或白夏至後即枯故名屬唇形科〔按〕救荒本草可燂食之本草經味苦辛寒主寒熱瘰癧腫濕等症縣屬

田野最多

益母草 一年或越年生草數苗集生一處高二三尺莖方形葉對生常分裂爲三大裂片每片復分三小裂片秋日葉腋簇生數花唇形花冠紫紅色（但白花益母草則爲白色）花後結實花萼成爲兜狀莖葉採之供藥用爲婦科調經要品縣屬各鄉河岸田塍之上均產之

合瓣花類茄科凡八種

茄一名
落蘇

莖高二三尺葉長卵形有鋸齒夏月開淺紫花五裂秋初卽實大如鼠皮色紫或白或青中有細子屬茄科（按）實可供饌味甚美有糖蒸醋糟肉燴醃藏各法味皆適口嘉祐本草茄子味甘寒不可多食動

氣發瘡及癩疾根及莖葉煮作湯治凍腳瘡縣屬菜圃栽之

番椒俗呼辣子

一年生草高二三尺葉爲卵形端尖有長柄互

生夏月開白花花梗甚長實色紅嫩時綠色形如小燈籠者名燈籠辣如角名菜角辣如櫻桃者名櫻桃辣尚有綠辣子等名屬茄科〔按〕遵義府志通呼海椒一名辣角味辣鹽水漬之供蔬用或拌鹽醋辣脆可口辛竄不宜多食縣屬蔬圃中栽之

馬鈴薯俗呼洋芋

蔬類植物高二寸許葉爲羽狀複葉以大小

二種葉合成春暮莖端開花色白或紫結實成綠色圓珠地下莖如馬鈴屬茄科〔按〕地下塊莖味如甘諸可煮食縣屬菜園中種之

煙草

一名淡巴菰
又名菸草

一年草生高三尺許葉無柄卵形花作石

青色成漏斗狀屬總狀花序屬茄科〔按〕本草辛溫有毒凡山嵐瘴霧風寒濕痺宜吸之惟其氣入口不循常度頃刻而周一身令人通體俱快醉能使醒醒能使醉飢能使飽飢能使飢人以代酒代茗終身不厭故又名相思草惟耗血損年人不自覺耳可製捲煙烟絲鼻烟等製法先採葉晒乾又令濕潤發酵而生香味所含重要之質一爲尼古丁卽放辣味者一爲油質卽放香味者他如糖質枸櫞質林檎酸等凡十餘種以其有麻醉之性能解疲勞故人多嗜之其種在明代由呂宋種傳入中國今各省多種之然食尼古丁毒質甚害衛生故外國皆禁未成年人吸食

滇鄉人最嗜之縣屬各鄉田間多種者

枸杞

落葉小灌木高三尺餘葉爲長橢圓形互生夏日

葉腋開小花花冠淡紫實卵形而尖色紅名枸杞果
屬茄科〔按〕本草根名地骨皮服之輕身益氣續神

仙傳朱孺子得千年枸杞二株根如二花犬煮食之

忽覺身輕遂仙去其果可生食益精氣縣屬庭園中
植之亦有野生者

曼陀羅花

一年生草本莖高一尺至三尺單葉互生掌

狀分裂鋸齒甚粗先端尖銳大小不齊夏秋開花花

萼綠黃色花冠白黃色花萼花冠呈五方形甚長略

如喇叭狀先端不整齊花後結蒴果此植物有毒可
作麻醉劑又花葉研末稍用與菸吸之爲鎮咳劑但

過量則中毒宜注意屬茄科縣屬各鄉園庭郊野均產之

蜀羊泉 一年或越年生草纏繞莖葉長卵形基部大缺刻具葉柄花紫色漿果紅色此品有毒可作殺蟲藥劑屬茄科縣屬各鄉園庭均有之

龍葵 一年生草高二三尺葉卵形全緣花白色小形果黑色漿果大如豌豆此品有毒作殺蟲藥劑屬茄科縣屬各河岸草叢中皆有之

合瓣花類旋花科凡四種

旋花 多年生蔓草莖細長纏絡於他物葉狀如戟有長柄互生春夏之交開花淡紅或白色花冠下部連合如漏斗狀類牽牛而稍大開於日中屬旋花科〔按〕

莖葉可治疾縣屬玉案山有之

牽牛花 一年生蔓草籐蔓遶籬牆高者二三丈葉心臟形葉柄處有深缺作三角形七月開花有紅色碧色白色等種花作喇叭狀八月結實外有白皮裹作球每苞內有子四五粒如蕎麥大有三稜具黑白二種屬旋花科〔按〕別錄牽牛子味苦寒有毒主下氣水腫等症縣屬各花園中多種植之

甘薯

俗名
白薯

蔬類植物莖細長葉心臟形背紫褐色花似牽

牛稍小色紫槐根橢圓兩端尖皮紫肉紅又有一種皮灰色肉白者爲薯之變種屬旋花科〔按〕別錄甘薯二父趾吳川人林懷蘭得其種以歸徧種於粵因不患凶年電白縣有懷蘭祠題曰番薯林公廟本草

綱目薯味甘平無毒主治補虛乏益氣力健脾胃強
腎陰功同薯蕷蒸煮食之味甘美饑年人掘作餌可
果腹固始吳其濬謂薯有十三勝可與蔓菁六利柿
之七絕並稱焉縣屬蔬圃中種之

兔絲子 多年蔓生莖細極柔葉對生每枝五葉如落花
生葉微圓莖端開紫筍子花雙朵並頭花落結實小
而細屬旋花科〔按〕呂氏春秋云兔絲初生之根其
形似兔掘取割其血以和丹服立能變化則兔絲之
名因此也宏景曰上有兔絲下有菝葜爾雅云卽女
蘿味甘平無毒續絕傷補不足益氣力肥健人五勞
七傷皆治之縣屬西北大山間多有之

合瓣花類石南科凡二種

杜鵑

常綠灌木高三四尺葉橢圓深緣莖葉皆有毛夏

日開紅紫花間有白色者及黃色或瑪瑙色者花冠

爲漏斗狀邊緣五裂甚深每於杜鵑啼時盛開故名

屬石南科〔按〕園藝學花密蕊簇色極明豔宜叢栽

山坡水濱或怪石古松之下性喜陰惡肥每晨用甘

泉河流澆之澆後置樹陰下其葉自青翠可玩培以

山泥及過燐酸石灰則花必吐豔縣屬庭園中植之

馬纓花

落葉喬木枝幹虬孽高可丈許枝端生葉頗似

瑞香柔厚光潤背有黃毛花苞作毬擎於葉際宛似

泡桐一苞開花十餘朵圓筍四瓣或五瓣長幾盈寸

似單瓣茶花微小白鬚褐點有朱紅粉紅紫黃白各

種紅者葉瘦餘皆葉闊春颶煦景與杜鵑同時盛開

茶火綺繡彌罩林崖有色無香炫晃目睫其殷紅者
灼灼有燄有誤以爲木棉者屬石南科〔按〕鄉人采
花煮熟而售於市炒食味亦可口縣屬西北鄉村人
種植之

單被花類蓼科凡五種

蓼俗名水紅花 此種植物或爲草本或爲灌木其特徵莖有結

末葉常互生大抵有鞘狀之托葉包圍莖外花蓋三
片至六片雄蕊數同實爲瘦果固不出此數者若蓼

卽馬蓼又名大蓼一年生草莖高三四尺略帶紅色
葉長大托葉變形爲鞘狀邊緣無毛初夏開花成穗

色紅又一種高一二尺葉長橢圓形端尖鞘葉之緣
有細毛甚長花淡紅屬蓼科〔按〕本草用子溫中明

目李時珍云古人種蓼爲蔬收子入藥今惟酒麴用其汁耳以香蓼青蓼紫蓼爲良又有赤蓼木蓼水蓼馬蓼之別縣俗中元節新供蓼花縣屬各鄉夏末植之於田圃中

羊蹄

卽土大黃俗呼牛舌頭葉

多年生草莖高四五尺葉大掌狀淺裂有

長柄夏秋之交開淡黃花小花爲多數穗狀花序又一種葉狹長倒卵形叢生秋初由葉間抽莖梢端葉漸小互生其根黃有血點屬蓼科〔按〕大黃根入藥洩瀉峻劑土大黃只供醫獸用縣屬原野多有之

蕎麥

一年生草高一二尺莖赤葉爲三角形有長柄互

生花小而白列爲圓錐花序實有三稜老則黑屬蓼科〔按〕其子磨粉作餅滑細亞於麥麵戴志有甜苦

二種嘉祐本草味甘平寒無毒實腸胃益氣力久食動氣及風令人頭眩縣屬田間種之

酸模 多年生草高二尺餘全體略似羊蹄而莖葉稍細色微紅葉作長基部裏莖花小而淡紅屬蓼科〔按〕爾雅須蕡蕡卽此無甚大用牧草適宜縣屬山野多有之

赤地利一名山蕡麥俗名土茯苓 落葉小灌木莖高二三尺至六七尺曲折不直葉形如戟較蕡麥葉小有葉柄互生夏日枝頭開花色白而小花後結乾果較蕡麥而小此品形與蕡麥酷似惟地下根莖隆大如球不同耳根莖入藥爲利尿劑治癥病梅毒等症屬蓼科縣屬各鄉山野中多產之

單被花類殼斗科凡五種

山毛櫟 落葉喬木高七八丈樹皮淡灰色而平滑葉闊而尖背有毛春月開小花色淡綠實有殼斗包之殼斗下之柄較長於櫟屬殼斗科〔按〕木材可爲器具縣屬西北鄉大山中有之

柯 落葉喬木高三四丈葉爲長橢圓形甚厚背灰褐色花單性雌雄同株實爲堅果橢圓殼斗如囊熟則綻裂子出屬殼斗科〔按〕其材可建屋製器具樹皮可爲染料子可食縣屬西山高橋有之

栗 落葉喬木幹高四五丈葉如箭簇初夏開花實有殼斗甚大刺如蝟毛霜降後熟外有硬殼紫黑色一苞或三或四仁色黃屬殼斗科〔按〕仁甘美可食俗八

月十五日煮栗獻月其材可製器具或作柴炭縣屬各鄉果園中植之

錐栗

落葉喬木高四五丈葉長橢圓形端尖有鋸齒厚而脆面緣有光背黃白有毛初夏開花秋熟實有殼小於栗有刺如蝟毛數實聚於一枝實內有硬殼內有仁兩瓣淡黃色屬殼斗科〔按〕本草拾遺葉擣汁可成膠油雨傘殼可爲染料仁可食久食不飢木材製具及作薪炭縣屬諸大山多有之

櫟

麻栗

落葉亞喬木高二三丈葉狹長有鋸齒花褐色單

性雌雄同株實圓而端尖有殼斗如椀謂之橡實屬

殼斗科〔按〕樹皮及殼斗可爲染料木材斜理宜爲

薪炭葉可飼野蠶古名相又名杼出植物名實圖攷

縣屬西北大山中有之

單被花類胡桃科凡一種

胡桃

落葉喬木高二三丈葉爲奇數羽狀複葉夏初開

花雌雄皆成長穗下垂淡黃綠色秋結實如青桃熟

後漚爛皮肉有硬核仁白屬殼斗科〔按〕開寶本草

胡桃味甘平無毒食之令人肥健潤飢黑髮多食利

小便能脫人眉動風故也外青皮染髭及帛皆黑其

樹皮止水痢可染褐仙方取青皮壓油和詹糖香塗

毛髮色如漆博物志云張騫使西域得來故名胡桃

縣人生食或醬食或漬以糖水嫩者肉絲炒食味尤

美縣屬南鄉果園中栽之

合瓣花類葫蘆科凡十種

葫蘆

本作蒲蘆一年生蔓草莖細長以卷鬚絡於他物葉圓心臟形有柔毛初夏開白花夕開朝萎至秋實熟如重疊大小二個圓球葉互生無托葉單性花萼與花冠俱五裂雄蕊三枚子房下位一室胚珠生於側膜胎座屬葫蘆科〔按〕乾者髹之爲具或盛酒或貯藥末供蔬食者亦稱葫蘆縣屬田圃中栽之

瓠瓜

蔬類植物其實長大首尾粗細略同然縣屬所產者上部細長一端圓大謂之懸瓠葉心臟形有柔毛無托葉實熟者大如瓢皮厚而碩夏月開花色白秋結實經三月而大熟屬葫蘆科〔按〕唐本草註瓠味皆甘時有苦者面似越瓜長者尺餘近不多見通利水道止渴消熱無毒宜煮食多則令人吐有剖爲瓢

用者縣屬鄉間多喜種之

冬瓜

蔬類植物春暮生苗引蔓葉如掌狀分裂莖葉皆

有毛刺夏月開黃花結實大者徑一尺長二尺瓜皮

脆厚嫩時色綠有毛老則蒼色上浮白霜屬葫蘆科

〔按〕本草經味甘微寒益氣不飢主小腹小脹利小

便止渴白瓜子味甘平令人悅澤好顏色久服輕身

耐老嫩時煮肉食味美食療本草取冬瓜一顆和桐

葉與猪食之一冬更不要與諸食物自然不飢長三

四倍矣蜜糟味尤美縣屬鄉間好種之

黃瓜

即胡瓜

蔬類植物春末下種苗生蔓有卷鬚葉作掌狀

淺裂粗糙有毛夏月開黃色合瓣花雌雄同株實長

數寸色黃綠腰稍細有無數小突起胞熟則黃如金

鼎俎中不復見矣屬葫蘆科〔按〕杜寶拾遺錄云隋
避諱改名黃瓜陳藏器謂石勒諱胡故名說少異嘉
祐本草黃瓜卽胡瓜葉味苦平小毒主小兒閃癖一
歲服一葉以上斟酌與之生搘絞汁服得吐良實味
甘寒有小毒不可多食動寒熱多瘧病積瘀熱發痄
氣令人虛熱上逆少氣發百病及瘡疥損陰血脈氣
小兒切忌滑中生瘻蟲縣人多喜醃食縣屬鄉間田
圃中種之

絲瓜 蔬類植物莖細長有卷鬚葉掌狀分裂裂片尖銳
夏日開黃花雌雄同株實長者至二三尺皮碧有稜
肉白老熟果肉有強韌之纖維如網謂之瓜絡屬葫
蘆科〔按〕本草綱目唐以前無絲瓜今南北皆有之

以爲常蔬其絡可滌金器故村人呼爲洗鍋羅瓜味甘平無毒主治痘瘡不快枯者燒存性入朱砂研末蜜水調服良效煮食除熱利腸老者燒存性服去風化痰涼血解毒殺蟲下乳大小便下血痔漏通經絡行血脈等症縣屬田圃中種之

南瓜

俗名
麥瓜

蔬類植物有卷鬚引蔓甚繁一蔓輒延長丈許

節節有根近地卽入土莖中空葉爲心臟形五裂甚

淺夏日開黃花單性雌雄同株實扁圓有縱溝數條

大者如磨盤重至四十餘斤瓢中有子扁平有仁屬

葫蘆科〔按〕本草發百病北省志書列有東西南北

四瓜東卽冬之訛北瓜有水麵二種北方有之南瓜

白糖燒酒煮服可以斷鴉片烟癮煮食沙而爛味不

惡縣屬田圃栽者多尤以蓮花池及羊堡頭爲最

金瓜

一名北瓜

蔬類植物苗引蔓有卷鬚夏開花附牆而直上

秋結實形扁圓色赭有白色縱紋屬葫蘆科〔按〕瓜味甘淡煮食之味邁南瓜若蜜漬之味尤佳瓜色鮮麗架棚以撐之令瓜下垂頗有可觀縣屬庭園中種者形色皆奇

西瓜

果類植物有卷鬚葉三裂至七裂稍類羽狀複葉

雌雄同株實大皮有深綠淡綠瓢有紅黃白等色

屬葫蘆科〔按〕味甜多汁夏日食之種子之仁亦爲

食品五代時胡嶠居契丹始食西瓜云契丹破回紇得此種見五代史四夷附錄多食致疾縣屬近海之

高廟漁村田間遍種之

苦瓜

一年生蔓草莖細長以卷鬚上升葉掌狀分裂夏

末開單性開黃花雌雄同株爲合瓣花冠實長者四

五寸皮多癧癩熟則色黃自裂屬葫蘆科〔按〕救荒

本草瓢紅如血味甘食之多衄血徐元扈云閩粵嗜

之滇本草治一切丹火毒氣金瘡結毒遍身芝蔴疗

火疔疼不可忍者取葉晒乾爲末每服三錢無灰酒

下神效又治楊梅瘡取瓜花煅爲末治胃氣疼滾湯

下治目疾燈草湯下皆昔人所未及縣屬菜圃中種

之

栝樓

蔓草名葉掌狀似王瓜而光滑夏開白花實黃橢

圓形大如酸木瓜屬葫蘆科〔按〕其根可製澱粉潔

白如雪謂之天花粉入藥仁殼咳嗽要藥仁多脂又

可取油燃火縣屬虹山西山多有之

雙子葉離瓣花類棟科凡一種

香椿 落葉喬木高一二丈葉爲複葉嫩時紅色甚香夏開小白花結蒴果屬棟科〔按〕葉味香可茹發癰疽木材可作用具縣屬西鄉街一帶喜植之

雙子葉離瓣花鐵線草科凡一種

小蟲兒臥一名鐵線草 單苗塌地生葉似星宿葉而極小莖色紅開小紅花結細實屬鐵線草科〔按〕救荒本草苗味甜爛熟可食縣屬田野間最多

單被花類蕁麻科凡五種

桑 落葉喬木每歲刈取故枝幹低亞葉爲卵形肥大雌雄花皆爲穗狀淡黃綠色實略似棗形謂之葚熟則

紫黑屬蕁麻科〔按〕本草經桑根白皮味甘寒主傷中五勞六極等症其材可製器具皮可造紙葉可飼蠶或入藥用花暖無毒健脾潤腸止鼻洪吐血等症甚可食又可製酒桑分家野二種家桑小而野桑高大不能飼蠶易生插枝卽活縣屬桑園中種之頗多

麻

穀類植物莖直高五六尺至一丈者葉大而五裂如

掌莖頂開花其花雌雄異株七月實熟有穎扁圓仁

白雄曰枲亦曰牡麻雌曰枲麻亦曰子麻花色白微

青甚細碎牡麻五莖枲麻一莖牡麻於花落後卽拔

而漚之謂之水麻枲麻至秋乃刈先收子而後漚之

名秋麻屬蕁麻科〔按〕麻有多種水麻可織夏布秋

麻可搓線其實謂之蕡本草經蕡味辛平主五勞五

傷利五臟下血寒氣久服通神明輕身多食令人見
鬼狂走子打油苧麻西人謂之(对中国草本学)爲吾國特

產葉卵形與麻異耳秋剝取漚之俟緣質腐脫劈之
成絲製線及布救荒本草根味甘煮食甜美別錄根
寒破血主小兒赤丹將苧麻與產婦枕之止血暈產
後腹痛以苧安腹上則止若癩癰搗根調蛋清和以
黑小豆末敷之過夜卽散芝蔴青麻升麻等縣屬均
有之惟大西門麻園爲最多

楮 落葉亞喬木高丈餘葉類桑而粗糙花單性雌雄異
株皮有斑紋屬蕁麻科〔按〕皮可造紙實如楊梅蜜
漬可食亦入藥滇產係山野自生故縣屬鳳鳴山西
山均有之

無花果 落葉亞喬木葉大而粗糙三裂或五裂花單性

淡紅實爲肉果外部爲花托多隱花於其中熟則紫色軟爛屬蕁麻科〔按〕實味甘如柿無核中有消化

蛋白質之成分可助消化作用今人傳說治心痛用藥煎湯服甚效本草綱目實味甘平無毒主開胃止

泄痢治五痔咽喉痛等症葉味甘惟辛平有小毒主五痔腫痛頻薰洗之立效果陰乾燒灰治痢甚良羣芳譜性溫易生插枝卽活此果老人小兒最宜多食有益不傷人縣屬庭園中有植之者

優曇花

亦名優曇華

梵語花名爲無花果類幹高丈餘分二種

一平滑一粗糙葉端尖皆長四五寸雌雄異花甚細隱於壺狀凹陷之花托中常誤以爲隱花植物花托

大如拳或如拇指十餘叢生屬蕁麻科〔按〕花托可
食而味劣世稱三千年開花一度值佛出世南史優
曇花乃佛瑞應三千年一現現則金輪出故今稱不
世出之物曰曇花一現本此滇志撫衙東偏有一樹
百餘年物也枝葉皆類辛夷花祇六瓣似玉蘭而有
黃蕊外有苞與花俱放三色亦如瓣緣人皆呼波羅
花通志稿載郎中阮福木蓮花說與上述相符惟縣
城督署舊有紅優曇觀此則優曇花依前述形狀應
屬蕁麻科就後述各節又應屬木蘭科矣形狀前後
之相差如是惟俟明達者正之縣屬曇華寺舊植之
單被花類梭櫛科凡一種

梭櫛 常綠喬木幹似圓柱高二丈許葉作掌狀分裂有

長柄叢生幹端花小色黃有苞包之其葉之根部有
包幹之毛褐色俗謂之櫟屬櫟櫟科〔按〕木材可爲
牀柱及小器具櫟可製繩帶雨具箱簾之屬嘉祐本
草子平無毒瀉腸止瀉痢崩中帶下等症皮平無毒
止鼻洪吐血入藥燒灰存性縣屬庭園中植之

雙子葉離瓣花類葡萄科凡一種

葡萄 蔓生之木本植物有卷鬚葉掌狀分裂頗平滑夏
初葉腋抽花穗簇生小花色黃綠爲長圓錐序至秋
實熟皮紫綠色有漿屬葡萄科〔按〕實可食又可造
酒縣俗中秋獻月之供果本草經味甘平主筋骨濕
痺益氣倍力強志令人肥健耐飢縣屬庭園中植之
雙子葉離瓣花類茜草科凡二種

四葉葎

蔓生草莖及葉柄有細刺下向葉掌狀分裂多

細齒秋開小花雄花成簇雌花成短穗色綠下垂實

如松毬屬茜草科〔按〕主治不詳縣屬西山有之

梔子

常綠灌木高丈餘葉橢圓而厚夏開白花實橢圓

色黃有縱稜五六屬茜草科〔按〕實可爲黃色之染

料本草經入藥味苦寒主五內邪氣胃中熱氣等症

縣屬庭園中植之

雙子葉離瓣花類木樨科凡四種

素馨花

常綠灌木花似茉莉五瓣尖瘦蔓生籐葉細弱

爲複葉初生細柄如絲長苞深裂裊裊滿架漸開五
瓣圓長白花淡黃細蕊一縷外吐香濃近濁亦有四
季開者屬木樨科〔按〕別錄其種來自西域南方草

木狀謂之耶悉茗西文與茉莉同一字不分二種羣芳譜昔劉主有侍女名素馨冢上生此花因以得名滇略云南詔段素興好之故又作素興三說近似故並錄之縣屬庭園中植之

茉莉 常綠灌木其花色白其瓣圓香味甚烈葉橢圓有淺鋸互生屬木樨科〔按〕花芬馥其根磨汁可以迷人供簪髻凡香片茶皆此花所窨成者丹鋐總錄佛書謂之鬘華北土曰柰晉書昔人簪柰花爲織女帶孝卽此花其種來自西域原名(*Jasmine*)縣屬庭園中植之

木樨一名嚴桂常綠亞喬木葉爲橢圓形對生秋日葉腋叢生小花花冠下部連合色有丹黃二色屬木樨科〔按〕

花香濃郁可供觀賞采花和糖名桂花糖其木材爲
茶託爲孟酒浸名桂花酒又可作香茶及面藥澤髮
之劑縣屬庭園內多植之

迎春柳

卽迎春花

落葉灌木幹本粗大枝條四稜柔長叢生葉

卵形而厚似椒葉無邊鋸面青背淡對節生小枝一
枝三葉正月開小黃花五瓣不結實屬木樨科〔按
〕滇志云花黃色與梅同時花香不及梅耳葉味苦
澆平無毒治腫毒有效縣屬花圃內植之

雙子葉離瓣花類瑞香科凡一種

瑞香

又名麝囊

常綠小灌木莖高四五尺枝葉繁茂葉爲長橢
圓形質厚有光春日開花內白外紅紫香氣清遠有
一種莖稍高開黃色管狀花至秋落葉者謂之黃瑞

香亦名結香屬瑞香科〔按〕若雜山蘭草薦之屬燒之比屋皆香縣屬花圃中植之

雙子葉離瓣花類桃金娘科凡一種

丁香

一名鷄舌香

常綠喬木葉長橢圓形春間開紫色花或白色五瓣子黑色甚香屬桃金娘科〔按〕家生者有公母之分本草入藥野生者係爲一年草本花小不香葉可飼豕縣屬庭園內植之

雙子葉離瓣花類莧科凡二種

牛膝

多年生草莖高二尺許葉橢圓而尖花綠色甚小爲穗狀花序實有小刺常沾着人衣屬莧科〔按〕本

草辛苦而溫芳香而散入藥縣田野多有之

雞冠花

一年生草莖高二三尺色赤葉爲長橢圓形端

尖銳互生花小有紅黃白數種花序狀如雞之冠故
名子黑細有光澤屬莧科〔按〕俚醫多以治紅白痢
崩帶血症性極峻虛弱者慎之尙有一種矮腳雞冠
有五色作盆玩最佳縣屬園圃內植之

雙子葉離瓣花類金絲桃科凡二種

連翹 落葉灌木枝條稍蔓生葉爲複葉時亦成卵形之
單葉早春開黃花甚美先葉而發花冠下部連合實
爲蒴果子極小屬金絲桃科〔按〕本草微寒升浮實
似蓮房有瓣爲十二經瘡家聖藥縣屬西鄉團山多
有之

金絲桃 落葉灌木高三四尺細莖叢生葉作長橢圓形
無柄對生夏日開花五瓣深黃而大雄蕊甚多數散

花外狀如金絲其實爲裂果而多小屬金絲桃科
按一花麗供玩賞其實味甘入藥縣屬花園中植之
雙子葉離瓣花類亞麻科凡一種

亞麻

一名壁
蟲胡麻

一年生草本莖高三尺餘葉細披針形互生

一初夏開紫花花瓣五數性雄蕊五枚子房五室繖
房花序果實爲蒴此品原產東印度邇來縣屬各鄉
麥叢中常栽之種子供食用榨油用

雙子葉離瓣花類錦葵科凡五種

黃蜀葵

一名秋葵

越年生草莖高三四尺葉掌狀分裂夏末開

淡黃花五瓣瓣下部色紫根肥大多黏液結實如梔
子六稜或五稜每房藏曲子（有刺毛）無數屬錦葵
科（按）根可爲紙之糊料縣屬花園中種之

錦葵

多年生草高三四尺莖粗而圓葉掌狀單葉互生葉脈亦由葉托至各葉尖夏初開紫色重瓣花爲總狀花序屬錦葵科〔按〕花葉根敷癰疽良效又可供食物縣屬花園中植之

芙蓉

落葉灌木幹高四五尺葉掌狀淺裂柄長互生秋季開花大而美艷色水紅重瓣有萼五片屬錦葵科

〔按〕本草李時珍云霜時采花霜後采葉陰乾入藥葉花微辛平無毒涼血清肺散熱解毒治一切大小腫毒縣屬花園中植之

木槿

落葉小灌木高七八尺葉爲卵形三裂互生夏秋間開花重瓣短柄色紫紅或白朝開暮落屬錦葵科

〔按〕閩之汀州人以之拌麵煎食嘉祐本草甘平無

毒止腸風瀉血等症嫩葉可茹今瘡醫用皮治癬縣屬花園中植之

扶桑花 灌木名高四五尺葉如桑甚厚而有光花深紅複瓣初出五瓣由花中心復出一朵大如蜀葵自夏至冬花期方歇屬錦葵科〔按〕閩書佛桑卽因扶桑以名之縣屬舊東門雲安寺有之惜因髮變已不存矣

雙子葉離瓣花類芸香科凡四種

木瓜應歸此科

枸櫞

一名
香櫞

常綠喬木枝葉間有刺葉似橘而大實形圓徑

三四寸色黃皮厚芳香屬芸香科〔按〕南方草木狀實如瓜皮似橙而金色胡人重之極芬香肉甚厚白如蘆菔李時珍曰枸櫞清香襲人南人雕鏤花鳥作

蜜煎可食虞衡志香樹佛手柑之大者直如斗重三四斤皆可生片食之實經霜不落生枝頭可歷四年縣屬花園中愛植之

木瓜 落葉灌木幹高六七尺葉爲長卵形至春先葉後花分紅白色頗美麗實形橢圓色黃小於榦榦蒂間別有重蒂如乳狀屬芸香科〔按〕別錄實味酸溫無毒主濕痺腳氣霍亂大吐下轉筋不止其枝亦可煮用其實去皮切片蜜漬或糖水糟味甘美木瓜汁或甘松玄參末爲濕香燃之甚爽神老人拄杖昔人以木瓜幹爲之能舒筋骨瓜燒灰能毒魚縣屬城鄉園圃中栽之

佛手柑 灌木高丈餘葉橢圓鋸齒甚細葉腋有刺春開

白花五瓣夏末實熟皮黃如柚形長上端分歧十餘
如手指肉白如香櫞屬芸香科〔按〕閩書香櫞與佛

手一種植物其實氣芬郁襲人置之案頭可把玩蜜
漬較生食尤佳乾之入藥舒肝氣縣屬庭園內植之

常山

落葉小灌木高三四尺葉卵形端尖厚韌而深緣

背淡青茸茸如毛夏秋間莖端開花三萼並擢一蕊

數十朵花如杯而有五尖瓣翻卷內向中擎圓珠生

青熟碧蓋花實並綴也花厚勁色紫紅微似單瓣山

茶花但小如大拇指不易落出吳其濬植物圖考屬

芸香科〔按〕本草入藥縣屬山中多有之

雙子葉離瓣花類山茶科凡二種

山茶

木名葉如木樨稍厚而硬經冬不凋以其類茶故

得茶名花自十月開至二月種類甚多有單瓣重瓣紅白斑等色皆美艷其樹栽盆者不過三四尺入地者高達一二丈又有一種野生高二三尺單瓣花色淡紅較真茶花小均屬山茶科〔按〕救荒本草葉可食及作茶飲其單瓣結實者用擣油山地種之治血症花治吐血衄血腸風下血用紅者爲末入薑汁童便及酒調服可代鬱金湯火灼傷研末麻油調塗馮時可滇中茶花記茶花甲海內種類七十二冬季盛開大於牡丹一望若火齊雲錦爛日蒸霞明巡按鄧渼有茶花百韻詩言茶有十德一艷而不妖一壽經三二百年尙如新植一枝幹高聳四五丈大可抱一膚紋蒼潤黯如古雲氣縛疊一枝條黝糾狀如塵

尾龍形一蟠根輪囷離奇可憑而几可藉而枕一豐
葉森沉如幄一性耐霜雪四時常青一次第開放歷
二三月一水養瓶中十餘日顏色不變遵義鄭珍子
尹巢經巢詩鈔歸化寺看山茶小花團團火齊珠大
花軒軒紅盤盂高花燒天天爲枯低花照地地爲朱
丹霞大帝御花國氣象想見唐與虞沐日浴月爛百
寶春風冲融元氣瀛蕩蕩海天照金碧山門檜柏排
千夫我來看花適正月更有小妹相攜扶眼迷不識
一切佛興熱欲返巢經廬口談高樹向母贊指形花
大爲母娛但恐此景未親見鹵莽而言終謂誣題花
要令現紙上正謂此花天下無吁嗟此花天下無

茶

名櫟又
名卉

常綠灌木高五六尺葉長橢圓形秋日開白花

五瓣

料大別

烏絲毛茶

茶

茶

茶

茶

茶

茶

茶

茶

茶

茶

茶

茶

茶

茶

茶

茶

茶

茶

茶

茶

茶

茶科〔按〕唐時始以充飲

種舊俗聘禮多用茶故受聘

亦曰受茶李時珍〔按〕茶苦而寒最能降火兼解酒食

之毒使人神思闡爽不昏不睡若虛寒及血弱之人

飲之最久則脾胃惡寒元氣暗損百病卽生醫經云

茶有百損獨利一目斯言信然縣屬歸化山及龔山

種植之

雙子葉離瓣花類鳳仙花科凡二種

金鳳花

一年生草莖粗高尺餘葉如箭簇有鋸齒夏月

開花於葉腋有紅白紫黃等色單瓣花小重瓣花大

而美實橢圓稍尖熟則自裂屬鳳仙花科〔按〕花美

麗供玩賞根可治疾亦名指甲花因其花可染指甲

然與西域指甲花不同在西文之 (Balsara) 字典譯作

指甲花卽我國之金鳳花也縣屬花園內多栽培之
水金鳳 多年野牛莖粗高一二尺葉橢圓端尖有鋸齒

夏日開單瓣花色紫實橢圓而尖熟則自裂屬鳳仙
花科〔按〕滇本草味辛性寒洗筋骨疼痛疥瘡殆
能去濕縣屬翠湖渠邊多有之

雙子葉離瓣花類木蘭科凡四種

含笑花 俗名
緬桂 常綠灌木高三四尺葉如箭簇面平滑夏秋
間開七瓣白花稍帶綠色花冠作舌狀大致如玉蘭
開後歷時最久香色均艷屬木蘭科〔按〕花婀娜有
殊致香味幽濃爲他花所不及者縣屬花園內多植
之

龍女花

常綠喬木高三四丈葉狹長中闊長二寸半闊

半之花開正白八出黃蕊中有綠心一縷似如意花
大於玉蘭亦木蓮之類屬木蘭科〔按〕花謝時收弄
可以催生相傳爲龍女所種縣屬舊慈雲蒼植之惜
經變已不存矣

辛夷

俗呼玉蘭

落葉喬木其花初出時尖銳如筆故又名木筆

高丈餘葉似柿葉而狹長春初開花有紫白二色大
如蓮花香氣馥郁白者稱白玉蘭紫者稱紫玉蘭今
植物學家分玉蘭爲九瓣而長辛夷六瓣而短闊以
此爲別屬木蘭科〔按〕本草經辛夷味溫主五臟身
體寒頭痛腦痛面黓久服下氣輕身明目增年耐老
別錄無毒溫中解飢利九竅通鼻塞涕出治面腫等

症帶毛刺人肺用之去心及毛縣屬花園中多栽植之

厚朴 落葉喬木山地自生高四五丈葉作心臟形亂紋

深齒互生初夏開花甚大九瓣淡黃氣芬烈實大如

豌豆屬木蘭科〔按〕本草經味苦溫主中風傷寒頭

痛寒熱等症其皮以厚而紫者佳川中人云凡得朴

樹輒掘窖以火煨逼名曰出汗必以黃葛樹同納窖
中及出汗後則二物氣味糅雜不能辨矣縣屬雖產
之不聞用爲藥者西北大山茂林中有之

雙子葉離瓣花類槲寄生科凡一種

薦

一名桑寄生

落葉小灌木寄生於桑楓櫟柳樹上葉長卵形

厚而有光背淡紫有毛昔夏開黃色小花秋初結實

如小豆黃綠色吸取被寄生各樹之養分多致樹枯死屬槲寄生科〔按〕本草經味苦平主腰痛小兒背強安胎明目等症縣屬玉案山有之

雙子葉合瓣花類忍冬科凡一種

金銀花 蔓生小灌木葉爲橢圓形凌冬不凋故又名忍冬初夏葉腋開花如喇叭形經二三日則變黃色黃白相間故名金銀花屬忍冬科〔按〕本草味甘花與藤皆入藥且花香馥郁供玩賞又以忍冬五錢煎濃汁呷之可愈痢疾縣屬庭園中植之

雙子葉合瓣花類紫葳科凡一種

凌霄花 蔓生植物木本莖出氣根甚多攀緣他物高達數丈葉爲羽狀複葉有鋸齒夏秋之間開花赭黃色

瓣之下部連合成管狀花有毒屬紫葳科〔按〕本草
籐生花開五瓣黃赤有點不可近鼻聞傷腦是女科
要藥藥名紫葳卽凌霄花之別名也縣屬庭園多栽
培之

雙子葉合瓣花類酢漿草科凡二種

酸漿草 多年生草高二三尺葉爲卵形端尖秋月開花
爲白色合瓣花冠花落後其萼增大勺形肉質之果實
熟則萼實皆紅屬酢漿草科〔按〕本草根莖花實皆
入藥爾雅歲寒漿卽此縣屬隨地自生

酢漿草 原野自生莖臥地葉爲掌狀複葉小葉成三角
形有長柄夏日抽莖花開五瓣淡黃花實成蒴熟則
綻裂飛散種子屬酢漿草科〔按〕唐本草味酸寒無

毒主惡瘡殺諸小蟲縣屬原野最多

雙子葉合瓣花類夾竹桃科凡一種

夾竹桃 常綠灌木高丈餘葉作箭簇形質厚輪生夏月開紅花類杜鵑根葉似竹而不勁屬夾竹桃科〔按〕園藝學性喜暖畏寒好肥惡濕花淡紅一朵數十蕊至秋深猶有之供玩賞有毒縣屬庭園中植之

雙子葉合瓣花類鴨跖草科凡二種

紫背鹿銜草 一年生草莖高尺許葉細長如竹有平行脈莖葉微有毛初生葉背亦紫夏秋間梢端葉腋蕊屬苞中間三圓瓣碧藍花絨心一簇長三四分正如剪繪綢織之上綴黃點耐久不斂屬鴨跖草科〔按〕用治不詳縣屬人家瓦屋上最多

鴨跖草 多年生草莖高尺許柔軟下垂葉如箭鏃而闊
有平行脈葉腳包莖如鞘狀花藍色瓣大小不整屬
鴨跖草科〔按〕采花取汁可爲繪畫之顏料救荒本
草味苦大寒無毒主寒熱瘡瘍痰飲小兒丹毒等症
縣屬人家屋上多有之

雙子葉合瓣花類芭蕉科凡一種

芭蕉 多年生植物高八九尺莖軟重皮相裹外青裏白
葉最長大中肋之兩側有平行之側脈三年以上著
花由葉心出花梗花瓣大小不整色淡黃簇生於巨
苞之腋間實肉質而長非生於熱帶者不熟屬芭蕉
科〔按〕別錄大寒主癰腫結熱等症其實味甘可食
縣屬園中多植之

雙子葉單被花類梧桐科凡一種

梧桐

落葉喬木幹端直色青高三丈許葉闊大有深缺刻背有毛夏日開黃色小花雌雄同株果爲蓇葖熟則裂開爲葉狀種子生於邊緣屬梧桐科〔按〕木材可製器具樹皮可取油本草綱目取初落葉煎飲催生又煮葉薰治白帶縣屬園中多植之

雙子葉單性花類楊柳科凡三種

柳

落葉喬木高三四丈枝細長下垂葉狹長花深紫成穗狀實熟則絮飛散如雪屬楊柳科〔按〕嫩條去皮可編什物本草經柳華味苦寒主風水黃疸等症葉主馬疥癬瘡實主潰瘍逐膿血子汁療渴縣屬翠湖

中堤遍植之

楊 落葉喬木枝上挺葉狹長端尖背有短毛灰白色春

開穗狀花雌雄異株雄黃雌綠實成白絮飛散多與柳同其又一種葉稍闊厚下有托葉果實著白毛者名水楊柳卽蒲柳也屬楊柳科〔按〕古楊柳並稱今以枝硬而揚起者曰楊枝弱而垂流者曰柳以此爲別用治同柳縣屬翠湖遍植之

雪柳

落葉喬木高可丈許葉似冬青大小疏密無定春

深開花一枝數朵長筒長瓣似素興而色白屬楊柳科〔按〕插枝接條皆不生縣屬城隍廟植有一株髮變不存

雙子葉單被花類車前草科凡一種

車前草 多年生草莖與葉叢生葉成卵形而闊有五肋

柄甚長夏日由葉心抽花莖開淡紫色細花爲穗狀
花序實紫色屬車前草科〔按〕本草性甘寒子入藥
葉燥熟可茹陸璣詩疏車前一名當道喜出牛跡中
生故名子爲末米飲下二錢治暴下神效貯縣屬隨處
皆生

雙子葉單被花類胡頹子科凡一種

木半夏 落葉灌木山野自生幹高八九尺葉背作淡茶
色春暮時葉腋常開一花淡褐色實爲漿果橢圓色
黃赤味甘酸澗屬胡頹子科〔按〕實可食木材可爲
薪炭縣屬金馬等山有之

雙子葉單被花類檉柳科凡一種

檉柳一名觀音柳
又名西湖柳落葉亞喬木高丈餘枝細長葉密生作小

鱗片形夏秋兩期皆開紅色小花屬檉科〔按〕藝園學謂之垂絲柳插地卽活葉細如絲猗娜可愛其花遇雨卽開宜植之水邊本草有赤檉柳能宣解毒治疹治痢之要藥也縣屬花園內寺觀中植之

雙子葉單被花類藜科凡二種

菠菜本作波稜蔬類植物互生葉略如三角形而尖基部又旁出兩尖莖高尺許花小而黃綠單性雌雄異株根赤色小如蒺藜之狀四月收子八月種肥地此菜與別類不同種後必過月朔乃生屬藜科〔按〕園藝學菠菜出自西域頗稜國誤呼波稜味甜嫩時以爲常蔬其種唐時始入中國縣屬城鄉菜圃中栽培之

灰蘿

一名
藜

一年生草葉面有白粉初夏開黃綠色細花嫩

葉色灰綠實圓如球屬藜科〔按〕嫩葉可爲蔬仁可磨粉荒歲人亦食之嘉祐本草謂之灰條菜卽戴志之灰挑菜其紅心者爲藜味甘平無毒主惡瘡蟲蛟搗碎和油傅之亦可作浴湯去疥癬風瘻等症子炊爲飯香滑殺三蟲縣屬田野最多

單子葉瓣狀類睡蓮科凡二種

蓮 多年生草根莖頗肥大葉圓如盤高出水面柄長二三尺花甚大有紅白諸色複瓣雌雄結精後瓣落而成蓮蓬中有子根莖橫臥泥中長二尺許肥大而嫩色白中空有孔斷之有絲屬睡蓮科〔按〕蓮之名荷古專指其實而言爾雅荷芙渠其實蓮後多通用如荷華曰蓮花荷葉曰蓮葉近來出多種有分枝睡蓮

金蓮夜舒蓮碧蓮十丈蓮黃蓮藕令蓮四季蓮分香
蓮多種大約白者香而藕勝紅者艷而蓮勝但其蓮
其瓣其子其柄其根莖皆入藥根莖生熟可食又可
磨爲粉調糖食滋補人縣屬翠湖淺塘遍植之

子午蓮

又名茈碧花
俗名海蓮花

生陂塘中葉如心臟近柄處有深缺面

綠背殷紅柄長達丈許根入泥中秋間由根發花莖
莖頂一花作綠苞四坼爲躑如大綠瓣內舒千層白

花如西番蓮黃心綠蓋經霜後五色絢爛蜜香清遠

屬睡蓮科〔按〕浪穹縣志氣清芬采而烹之味美於
蓮當夏午時大開夜縮入水故名子午蓮縣屬草海

最多

單子葉瓣狀類仙人掌科凡二種

仙人掌 常綠灌木幹扁闊有刺色綠夏日開花紅黃多
瓣實多毛刺屬仙人掌科〔按〕實熟剝食味亦甘縣
屬原野牆頭多有之

鼻蓮草

又名象鼻蓮

多年生草初生厚葉如舌闊有刺兩葉對

生高尺餘邊微內翕外葉冬瘁內葉卽生間有開小
尖瓣黃色花如穗狀者屬仙人掌科〔按〕滇本草性
涼敷湯火傷良可作盆景縣屬花園內栽培之

雙子葉單被花類天南星科凡九種

天南星

多年生草山野自生高三四尺葉爲複葉似虎

掌夏開單性花色黃爲肉穗花序有苞覆之根如芋
而略扁屬天南星科〔按〕莖塊狀性毒入藥若以礬
湯製之乃泯其毒縣屬金汁河堤多有之

地湧金蓮 多年生之常綠樹如芭蕉而葉短中心突出

一花如蓮色黃日坼一二瓣瓣中有蕤與甘露同新

苞抽長舊瓣相仍層層堆積宛如雕刻佛座屬天南

星科〔按〕滇本草味苦濇性寒治婦人白帶久崩大腸下血亦可固脫縣屬城鄉庭園及寺觀中栽培之

山草薢 多年生草莖引蔓上升葉大如心臟形邊緣有

缺刻柄長夏開淡黃花單性成穗狀花序根長而碩

屬天南星科〔按〕本草李時珍云萆薢菝葜土茯苓

形不同而主治不甚相遠豈一類數種乎性甘平入

足陽明之藥縣屬西鄉玉案山有之

菖蒲

多年生草生於水邊葉如劍有平行脈花小色淡

黃爲穗狀花序有大小二種大者長三四尺氣味香

烈葉上有脊如劍小者高尺餘葉纖細無中肋曰細葉菖蒲亦曰石菖蒲最纖細者葉長僅三四寸屬天南星科〔按〕本草根入藥一寸九節者良縣屬大觀樓近水處最多

山芋 多年生草山野自生一葉似芋作圓形葉托分裂面平潤葉柄最長由地下莖發出地下莖成塊狀大如小芋獨生皮黑肉白屬天南星科〔按〕性毒製入藥縣屬山野自生最多

半夏 多年生草高七八寸葉爲複葉以三小葉合成葉柄生肉芽花單性爲肉穗花序雌花在下雄花在上花序以大苞包小花軸之上部伸長如線突出包外地下塊莖皮黃肉白屬天南星科〔按〕本草性毒製

入藥畏生薑故多以薑製之能救暴卒良藥也縣屬山地中自生最多

芋 蔬類植物葉略似荷葉而長近柄處有缺刻柄長花

爲肉穗狀有巨苞包之地下莖大如卵屬天南星科

〔按〕札模謂滇芋熟旱味美可作羹別錄芋味辛

平有毒主寬腸胃充肌膚滑中夢溪筆談載人有爲

蜂螫者以芋根傅之則愈又可救凶年縣屬菜園中

種之

獨葉一枝花 多年野生清明時發生穀雨後死長二三

寸一葉一花葉如橄欖花似錐鑽屬天南星科〔按〕

治毒蟲較擦之卽愈縣屬虹山有之

天葵

一名夏無跡又名紫背天葵

多年牛草初生一莖一葉大如錢有深

缺頗似三葉近柄處微大面綠背紫莖細如絲地下
球莖似半夏春生分枝一枝三葉一葉三叉翻反下
垂莖頂開小白花立夏卽枯屬天南星科〔按〕春花
夏枯秋蕊冬盛土醫敷乳毒極效縣屬虹山上多有
之

單子葉瓣狀類蘭科凡七種

蘭 常綠多年生草葉細長而尖長尺許有平行脈由根
叢生春日開花淡黃綠色瓣上有細紫點無紫點者
亦有皆一莖一花亦有一莖數花者曰蕙亦春開別
有一種一莖八九花而瓣大逾常名虎頭蘭種類甚
繁尙有元旦蘭素心蘭建蘭豆瓣蘭雙燕尾朵朵香
等名蘭蘭科〔按〕花幽香而清遠故栽培者最多

石斛 多年生草莖高五六寸有節稍類木賊而中實每

節生葉一片葉狹而厚有平行脈夏月開花色丹拔其根以砂石栽之頻澆水經年不死屬蘭科〔按〕本

草又名金釵石斛其狀似釵也其莖入藥縣屬人家喜栽於大門瓦脊上

白及 多年生草高一二尺葉闊寸許有平行脈春日開

花色紫或白屬蘭科〔按〕根可研朱有黏性凡瓷器缺損研汁黏之不脫雞毛拂之卽時離解本草經味

苦平主癰腫惡瘡敗疽等症又可爲糊縣屬虹山龔山多有之

盤龍參 多年野生葉長如劍鞘有平行脈春季抽萼發

苞如辯繩斜糾開小紫花大如小豆瓣有細齒上翹

中吐白蘿根有黏汁屬蘭科〔按〕俚醫用治陰虛根莖似天門冬而微細色黃縣屬桃花菴後山有之

蘭花雙葉草 雙葉似初生玉簪微有紫點抽短莖開花

如蘭上一大瓣下瓣微小兩傍瓣抱中舌厚三四分

如人舌正圓色黃白中凹嵌一小舌如人咽色深紫

花瓣皆紫點極濃屬蘭科〔按〕用治不詳縣屬虹山

西山皆有之

鴨頭蘭

俗呼蜜
蜂參

草本根細短尖葉內抱莖叢生似玉簪

葉長而肥內緣外淡有直脈莖梢發叉開花白綠色

微似蘭花有長梗花三瓣品列中瓣後復有一大瓣
色淡綠花心有紫暈微凹心下近莖處出雙尾有白
縷如燕尾分翹野卉中具纖巧之狀屬蘭科〔按〕俚

醫用根莖治虛勞有效縣屬東鄉山間最多

麥冬

常綠多年生草葉細長有平行脈夏日開稀疎之穗狀花色淡紫實黑地下有莖如連珠狀屬蘭科

按一長編本草經珠莖味甘平主心腹結氣傷中傷飽胃絡脈絕羸瘦短氣久服輕身不老不飢縣屬花園內有栽培者

單子葉穎花類禾本科凡九種

稻最重要之農田植物也春下種夏分秧葉長狹有平行脈叢生夏末由根部抽莖中空圓有節有鞘葉包莖莖頂開花花小黃綠色成穗狀雌雄伸長爲片狀花落結實有殼包之殼端有芒短小實如粒屬禾本科按一齊民要術稻無所緣惟歲易爲良選地欲近

上流二月種者爲上時四月上旬爲中時中旬爲下時先放水十日復澆陸軸十遍地既熟淨淘種子漬經三宿灑出丙草篠裏之復經三宿芽生長二分一
畝三升擲三日之中令人驅鳥稻苗長七八寸陳草復起以鐮芟之草悉膿死稻苗漸長復須薅薅訖決去水晒根令堅量時水旱而溉之將熟又去水霜降穫之用礱去殼舂之成米可蒸食本草主益氣止煩洩赤者粒大而香不禁水停其黃綠者白而黏大都新熟者動氣經再年者發病糠可飼豬稻草爲燃料灰可愈磨傷戴志有紅稻白稻糯稻等種縣屬鄉間田中栽之

麥 重要之農田植物也葉細長有平行脈莖中節夏月

開花結實小麥之實芒短子多粉大麥芒長皮厚子如米粒有殼包之屬禾本科〔按〕子可爲飯北方食之漬水發芽可釀酒並做餳餅餃等莖可製草帽或爲燃料小麥磨爲粉可製切麵麵包餅餌醬油之屬縣屬田中秋季種之

粱 穀類植物卽粟俗呼小米葉似玉蜀黍花小密集花爲圓錐花序穗有芒實白色黃赤緇三色亦有春分始生秋熟北方糧食之大宗也屬禾本科〔按〕周禮九穀六穀皆有粱無粟知古本同物也漢以後始以穗大而芒長粒粗者爲粱穗小而芒短粒細者爲粟粱與粟遂別爲二焉本草白粱米味淡性微寒除胸膈中客熱移五臟氣緩筋骨北人作粉以充飢黃粱

甘平無毒主益氣和中止洩青粱米以純苦酒一斗
漬之三日出百蒸百曬好裏藏之遠行一飧十日不
飢重飧四百九十日不飢縣屬夏季田中植之

黍俗名
析穀禾屬而黏者也以大暑時種之宜植旱田葉細長

而尖實有赤白黃黑數種莖有節鞘葉有平行脈夏
月開花成穗狀結實粒均齊無大小屬禾本科〔按〕
實可釀酒亦可蒸食或作餳菰葉裹成梭食謂之角
黍近來已易黍爲糯失傳早矣縣人用之飼雀縣屬
夏季田中植之

稷高粱
一名爲五穀長莖幹高大似蘆葉長狹而肥大夏開花

秋結實穗聚而上出其粒粗而大有赤白黑數種屬
禾本科〔按〕古今著錄漢而後皆誤以粟爲稷唐以

後又誤以黍爲稷近年來始將二物區分又稷穀類中種之最早古稱爲百穀之長故農官名稷穀神亦名稷別錄稷米味甘無毒主益氣補不足釀爲酒甚甘美作飯疎爽香美幹可爲籬爲走馬燈爲一切用具葉可爲燃料子入藥其梢端可縛爲掃帚縣屬山地種之

蘆 多年生草莖高丈許中空葉細長而尖有平行脈秋開細花甚繁密成大圓錐花序屬禾本科〔按〕莖古以葺屋製簾或爲薪萌芽可食略如竹筍別錄味甘寒主消渴客熱止小便利浮者露水者不堪用縣屬篆塘河兩岸多有之

蓋草 越年生草野生細莖貼地長一二尺葉爲卵形端

尖有平行脈秋初開花紫褐色爲長穗狀花序屬禾本科〔按〕本草苦平無毒主久咳止氣喘逆久寒驚悸等症爾雅叢王芻卽此物也莖葉煮汁可染黃色故又名黃草縣屬田野陂塘邊有之

玉蜀黍 一年生草莖直立高五六尺葉狀如箭簇而大有平行脈花單性生於頂端雌花生於葉腋其實有黃白紅各色密列成行以巨苞裹之其端有紫色鬚如絲屬禾本科〔按〕子大扁者俗呼包穀子小而密者呼玉麥可以作飯又可釀酒嫩時爲蔬菜食燒食做餅食均可口縣屬秋初多植之於山地

竹 多年生植物種類不一高者四五丈圓而直中空有節質堅韌葉狀如箭簇有平行脈春月生筍外裹以

籜根莖甚柔韌節密橫生土中屬禾本科〔按〕筍可食籜可包茶葉及做鞋底竹可製筐籮蓋茅屋爲籬爲棚用亦大矣葉入藥淡竹亦同類而異種縣屬庭園內植之

單子葉瓣狀類薑科凡三種

薑 蔥類植物苗高二尺許葉狀如箭簇對生花被大小不整色淡黃地下莖色黃塊狀秋初茁新芽極嫩屬薑科〔按〕宜種沙地醋漬食之曝乾曰乾薑味辛溫主胸滿欬逆上氣溫中止血出汗逐風等症久服去臭氣通神明白醬浸之味尤美縣屬地中或盆中有種之者

高良薑 多年生草高三四尺葉爲長橢圓形開紅苞光

燄眩目苞爲兩層中吐黃花亦兩長瓣相抱復突出

尖黃心長半寸許有黑紋一縷上綴金黃蕊如半米

另有長鬚一縷尖擎小綠珠瓣上復朱砂點甚濃根

莖盤屈如薑屬薑科〔按〕陶隱居云產高良郡故名

高良薑別錄六溫主暴冷胃中冷逆霍亂腹痛等症

但嚼食亦效治冷氣尤效縣屬玉案山最多

薑黃草 山野自生柔蔓而長葉卵形塊根如薑而黃極

硬以形得名屬薑科〔按〕治效不詳縣屬玉案山多

有之

單子葉類花類燈心草科凡一種

燈心草

蘭

多年生草莖圓而細長高三四尺色綠夏日

莖之上部開黃褐色細花莖中有白瓢可爲燈心故

名屬燈心草科〔按〕莖可織蓆瓢可入藥亦能愈癬

病詳本草縣屬一邱田蒲草田等處栽之

單子葉瓣狀類澤瀉科凡二種

山慈姑 多年生草山野自生高尺許葉細長如韭自地

下莖之中央生花莖開一白花爲頭狀花序色微紫
屬澤瀉科〔按〕地下莖似慈姑可食本草玉樞丹中
用之廣筆記云出處州遂昌縣拱山無毛者良縣屬
各鄉山野出產最多

慈姑 多年生草莖高三四尺中空葉如燕尾前尖後歧

秋開白花爲圓錐花序地下之球莖形橢圓單被花
萼三片花冠三瓣雌雄蕊常離生結瘦果屬澤瀉科
〔按〕實多澱粉質可供蔬食在水田亦活埋芽即長

〔又按〕慈姑卽茨菰園藝學謂之鳴茨夫鳴茨荸薺也慈姑葉如燕尾而鳴茨葉成管狀慈姑莖球形大於鳴茨球莖三四倍茨菇一莖十二實閏則十三實固與鳴茨之不定實不同而欲強作鳴茨豈可得哉縣屬小石霸及金刀營爲最多

單子葉穎花類茭科凡一種

茭 多年生草一年落葉葉如蒲葦有平行脈密生細戟毛莖大而長中心生白薹如藕秋開長穗花結實如米謂之菰米屬茭科〔按〕園藝學莖糟食醬食均佳炒食作羹味頗鮮甜縣屬澤湖淺澤植之

昆明縣志

卷五

物產志二

六十九

單子葉瓣狀類百合科凡十種

百合

多年生草高二三尺葉短而闊似竹葉互生夏日

開花色白而無斑點其丹色有斑點者名卷丹其地

下鱗莖大如球屬百合科〔按〕供觀賞鱗莖色白可

熟食縣屬園圃內有栽之者

王孫

一名早藕

多年生草產于深山莖高四五寸莖之中部四

葉輪生形橢圓而長端尖有網脈夏月葉頂開一花

四瓣色黃綠似雙子葉類屬百合科〔按〕性質宜屬

於單子葉根入藥縣屬西山最多

菝葜

多年生蔓草高二三尺至六七尺多刺葉卵形互

生托葉變形爲一卷鬚絡於他物初夏開黃綠色花

集爲繖形花序實大如豆紅色屬百合科〔按〕根入

藥縣屬西山有之

葱

蔬類植物葉中空成管狀高二尺許有平行脈葉之

下部俗稱葱白夏開白花叢聚如球屬百合科〔按〕此種植物四時不絕可調和食物並入藥縣屬菜圃內栽培之

藜蘆

一名鹿
葱花

多年生草葉狹長有平行脈春日開花丹色大如卷丹花落莖自萎屬百合科〔按〕花可調蛋炒食根有毒入藥縣屬花園內多栽培之

黃精 多年生草莖高三四尺葉似百合夏初葉腋開花蓋合一爲管狀有六裂下垂如小鈴色淡綠花落結黑實如豆根爲管狀色白而青屬百合科〔按〕根莖入藥久服轉老返童考鉤吻黃精幾似一種據救荒本草載以葉不反卷芽不斜出爲辨縣屬玉案山西華洞產牛最多

卷丹 多年生草高四五尺葉狹長而尖無柄互生葉腋生珠芽至秋而花色丹花瓣反捲有暗紫色小點地下鱗莖似百合稍小屬百合科〔按〕普通所食多爲此種蓋鱗莖難辨也縣屬花園內栽之

萱草一名忘憂又名宜男多年生草葉如劍而柔花類百合有紅黃色及單瓣重瓣之別屬百合科〔按〕詩經作谖晏文獻云重瓣而多斑點者名鹿葱單瓣者名萱嘉祐本草根涼無毒治沙淋下氣等症縣屬庭園內栽培之

韭 菜名葉細長而扁叢生秋月莖頂開小白花爲總狀花序根莖肥白屬百合科〔按〕別錄溫中下氣補虛益陽止洩等症煮食之葉及根生搗絞汁服解藥毒煮汁洗漆瘡甚效尚有韭黃嫩肥可炒肉食縣屬菜

圃中栽之

蒜

又名葫

蔬類植物有大蒜小蒜二種大蒜名葫根莖俱大

而瓣多小蒜較小葉皆細長而扁厚花白微紫有地下之鱗莖屬百合科〔按〕舊俗五月五日食卵及熟

蒜別錄味辛溫有小毒歸脾胃主霍亂腹中不安等

症陶隱居云小蒜生葉時可爲蔬菜惟甚辛臭醫經云蒜有百補獨傷一目斯言信然縣人嗜之者多縣

屬菜園中栽之

單子葉穎花類莎草科凡三種

莎草

一年生草莖三角形高尺許葉細長而硬多由根出夏日莖頂別生三葉開黃褐色小花成穗屬莎草科〔按〕葉有爲笠爲蓑衣者縣屬原野發生最多

薹 多年生草莖高三四尺葉狹長至三尺許夏日開單性花雌雄均成穗狀花序屬莎草科〔按〕可製笠縣人棄之縣屬水田邊多產生

荸薺 多年生草莖高二三尺管狀色綠花穗聚於莖端頗似筆頭地下塊莖形圓皮赭色肉白無子屬莎草科〔按〕味甜供食曬乾磨粉可混藕粉本草味甘微寒滑無毒主益氣下丹石消風毒等症縣屬南鄉水田中種之

單子葉瓣狀類石蒜科凡一種

水仙花 一年生葉長狹叢生於根部粗而厚澁故層層攢密春間抽花莖開淡黃花六瓣花心有黃暈甚艷屬石蒜科〔按〕供玩賞縣屬庭園中愛植之

單子葉裸子門松柏科凡六種

松 常綠喬木幹聳直多節皮粗厚裂爲龜甲狀葉如針

花單性雌雄同株雌花叢生於枝頂下有多數黃色

粉之雄花叢結成毬果經一二年始熟屬松柏科（按）

一木材爲用至繁種類甚多有赤松黑松海松五

鬚松等其花粉可製松花糕松脂可製洋漆縣屬大

山中多有之

杉 常綠喬木幹端直高至數丈葉針形較松短花單性

雄花出花粉秋日結毬果大如指頭屬松柏科（按）

木材建屋作器具爲用至繁縣屬大山中多有之

柏 常綠喬木高二三丈分側柏圓柏二種葉小如鱗與

莖密接全不舒放莖葉扁者曰側柏莖葉圓者曰圓

柏花單性雌雄同株實如毬熟則自裂屬松柏科〔按〕子名柏子仁入藥木材建屋作器具爲用甚廣縣屬金汁河堤最多

檜

又名子孫柏

常綠灌木幹直立長丈餘葉有二種一略成小

箭簇形一成小鱗片形分生枝上花單性果實毬形

略帶肉質屬松柏科〔按〕木材爲器具縣屬庭園內

喜植之

銀杏

一名公孫樹

落葉喬木高者達五六丈葉如扇有缺刻春

日開小花色白而帶淡綠單性秋末結實頗繁霜後

肉爛取核爲果色白俗呼白果屬松柏科〔按〕仁入

藥可熟食材質堅重製器不裂縣屬廟宇及人家多

種之

冬青樹 常綠亞喬木山地自生高丈許葉卵形端尖互生質厚有光澤夏初開細白花雄花爲聚繖花序雌花各朵生於葉腋實紅而小如赤小豆屬松柏科
按)樹皮可製籜用以捕鳥湘潭縣志葉可染緋蜀語云白臘蟲生冬青樹上立夏後卽作白蜡木材製器具作薪炭縣屬大山中有之

隱花植物羊齒類蕨科凡二種

蕨 春初發嫩芽其端卷曲如拳及長成複葉長三四尺葉之背面子囊羣叢聚赤褐色屬蕨科(按)葉嫩煮食塊莖甚長多澱粉可作粄粃縣屬大山有之

薇 一年生草莖高二三尺端尖卷曲如旋渦葉有二種一爲綠色類蕨一爲褐色形細長其上著生多數胞

子囊屬蕨科〔按〕嫩葉煮食發病縣屬大山中多有之

隱花植物羊齒類水龍骨科凡一種

瓦葦 葉狹長而質厚散生葉背生胞子囊排成二行黃

褐色地下莖粗壯有暗褐色之毛苔屬水龍骨科〔

按〕本草治淋症高陽負對黃帝治勞傷用瓦葦汁
用時去地下莖之毛苔縣屬虹山多有之

隱花植物羊齒類凡七種

過山龍 多年野石綠蔓苔毛叢生秋時莖稍發白芽宛

如小牙莖蔓生杈長至數尺著地生根頭緒繁繫如

人筋絡屬羊齒類〔按〕俚醫以爲調和筋骨之藥舊

俗端午日糴糴鬻之於市謂煎水洗浴不生瘡毒縣

屬虹山多有之

骨碎補

多年生野草根莖細長延繞於樹上或岩石上

密生黑褐色之鱗毛葉爲三出羽狀複葉夏日背生
多數之子囊羣有毛被於殼斗屬羊齒類〔按〕開寶

本草味苦溫無毒主破血止血等症縣屬虹山有之
鵝掌金星草 多年生草一莖一葉爲掌狀複葉如鵝足

葉有多數子囊羣色金黃故名屬羊齒類〔按〕滇本
草此草形如雞足上有黃點味甘性寒無毒治五淋
白濁包敷無名大瘡神效縣屬玉案山有之

鐵角鳳尾草

多年野生高四五寸細莖叢生色紫羽狀

複葉對生葉緣有淺裂背面著生子囊羣屬羊齒類

〔按〕本草治紅白痢連根葉酒煎服縣屬西山有之

蜈蚣草 多年生草葉爲羽狀複葉對生甚密如蜈蚣足
枝硬色赭根鬚最密葉背有子囊羣屬羊齒類〔按〕
亦治淋症縣屬虹山多有之

石龍尾 一年生草莖高七八寸獨出對生羽狀複葉一
葉如掌深裂如數細葉屬羊齒類〔按〕縣屬西山多
有之

狗脊 多年生草葉叢生爲羽狀複葉質厚色淡綠葉面
有齒爲無性芽背生子囊羣地下根莖色黑如狗脊
骨有黃毛如狗形者俗稱金毛狗脊屬羊齒類〔按〕
長編本草味苦平主腰背膝痛等症縣屬西山多有
之

隱花植物石松類凡三種附木賊類

石松

多年野生莖長臥地密生細葉尖長如杉分枝繁

茂由莖抽出直穗穗生子囊其孢子與根莖他植物

鮮有同者屬石松類〔按〕根莖入藥縣屬獅子山有

卷柏

多年野生莖高尺餘其枝甚多頂生小葉稍扁
柏葉燥則內卷濕則展開故名枝端生子囊其性耐
久屬石松類縣屬玉案山仙人洞有之

木賊

常綠灌木多年野生高二尺許莖中空每寸許結

節節間生退化之葉夏秋之交莖頂生橢圓形短穗
綠褐色如筆屬木賊類〔按〕莖粗糙可磨擦竹木及
銅錫等物縣屬沙地中多有之

單子葉顯花植物水鼈科凡六種

馬尿花

一年水生葉如心臟柄長寸許近柄處深缺叢

生根浮水面葉背凹凸厚脆無骨數莖爲簇抽莖開花三瓣白色微皺屬水鼈科〔按〕滇本草味苦微鹹性微寒治婦人赤白帶下縣屬湖塘中有之

菱角 莖端出葉成三角形浮於水面柄上具浮囊夏月開花白色四瓣實有兩角色青或紫皮厚肉白屬水鼈科之果類〔按〕菱味甘平主安中補五臟不飢輕身生煮皆可食縣屬菱角塘中種之

海菜 綠藻類莖長四五尺軟脆粗僅如錢串繩莖頂開花有苞包之每苞出花四五朵四瓣色白花冠有缺裂四強雄蕊莖腳葉叢生大如心臟形平滑有肋薄脆屬水鼈科〔按〕摘其莖醃藏可爲蔬虞衡志以爲其根卽蕁是不識蕁之誤會語縣屬滇池中最多

馬尾藻 高七八寸葉如箭簇邊緣有淺缺刻多數叢集
葉腋有氣胞如果實屬水鼈科〔按〕供肥料縣屬湖
澤中有之

係綠色之鱗片。其葉狀者，亦有鱗片之節。
節節圍繞，並之而生。〔按〕供肥
料或種於水缸中，一株全株，葉多有之。

蘋

生於鐵器上者葉生葉上根生根上生莖生莖入水中近
根處有圓墻子/纓狀葉大長圓柱形胞子囊於籠科
〔按〕在紅茶山川中水草中生葉細長圓柱形身辨下
六氣等無害人處一氣燒之則破壞生知之

隱花植物菌類凡一三

雞縱 多年生之草本。莖直立，葉互生，根三叉，土中柄長尺

許帽大如張傘傘狀體之下面有多數皺裂爲胞子所生之處雌器之卵細胞受精而成卵子漸漸發芽生長出土如是生生不已屬菌類〔按〕味甘脆無毒有一種形較小者名草雞從多有毒縣屬東鄉龔山出產無多

菌 蔬類之一生於叢林茂草中柄圓如柱帽大如張傘胞子生傘狀體之皺褶中熟則胞子飛散屬菌類〔按〕一種類甚繁有毒者不少故食者必以蒜拌之因蒜黑卽是有毒可食者有青頭菌雞油菌牛肝菌黃癩頭一窩雞栗樹菌柳樹菌凍菌北風菌乾巴菌刷把菌見手青等名如奶漿胭脂麵菌等有毒食者慎之縣屬大山中夏間有之

封底